


PAGHIKLING



SA SALA

(Visayan Version)

R.B. THIEME, JR.



Susama kalayo sa sidlakan nga
nagagikan sa kasadpan,
Ingon usab kalayo nga Siya
magawagtang sa atong mga
kalapasan nga gikan kanato.”

Mga Salmo 103:12

PAGHIKLING SA SALA

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

PALISIYA SA PINANSIYAL

Wala gayuy bayad para sa bisan unsa nga materyal gikan sa R. B. Thieme, Jr., Bible Ministries. Si bisan kinsa nga nagtinguha sa pagkat-on sa Bibliya makaangkon sa among mga publikasyon, DVDs, ug MP3 CDs nga walay obligasyon. Ang Dios mao ang naghatag sa doktrina sa Bibliya. Tinguha namo nga mapakita ang Iyang grasya.

R.B. Thieme, Jr., Bible Ministries maoy usa ka ministeryo sa grasya ug kinatibuk-ang gipadagan sa boluntaryong mga kontribusyon. Walay listahan sa presyo para sa bisan unsa sa among materyales. Walay salapi nga gipangayo. Kun ang pagkamapasalamaton para sa Pulong sa Dios maoy naghatag og kagana sa usa ka magtotoo aron mohatag, siya adunay pribilehiyo sa paghatag og kontribusyon para sa pagpakaylap sa doktrina sa Bibliya.

Orihinal nga naimprinta isip ISOLATION OF SIN niadtong tuig 1969, 1973, 1976 ug 2000 ni R.B. Thieme, Jr. Unang edisyon napatik niadtong 1969. Ika-upat nga edisyon napatik niadtong 2000. Ikatulong impresyon niadtong 2010.

Kini nga basahon napatik gikan sa mga pagtulon-an ug mga wala naimprinta nga mga sinulat ni R.B. Thieme, Jr.

Sa pag-order niini nga libro sa English, kontak:
R. B. Thieme, Jr., Bible Ministries
P.O. Box 460829, Houston, Texas 77056-8829
www.rbthieme.org

Walay kabahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa impormasyon, nga walay nakasulat nga pagtugot gikan sa tigmantala.

Ang Kasulatan gikuha gikan sa ISOLATION OF SIN nga libro mismo og gihubad sa Binisaya.

Napatik sa Tagbilaran City, Bohol, Philippines, 2016

Gihubad ngadto sa Binisaya nga pinulongan ni Jerome L. Salutan.
Gitan-aw pagbalik nila ni Amado D. Carejo ug Raflyn H. Salutan.
Pinatik nga may pagtugot sa R.B. Thieme, Jr., Bible Ministries.

Mga Sulud

Pasiuna.....	v
Ang mga Balaod sa Espirituwalidad ug Karnalidad.....	1
Ang Ikatulong Balaod	9
Naglihok Ubus sa Balaod sa Espirituwalidad	11
Rebound	12
Ihikling ang Nangaging mga Sala.....	13
Panghunahuna nga mga Sala	17
Guilt Complex	17
Pagpasangil-sa-Kaugalingon.....	17
Kasilag, Kamasupakon, Kaselos	18
Kapaitan	19
Mga Sala sa Dila	20
Pagbugalbugal o Paghukum	21
Tabitabi	22
Pagbuhat og Kontrobersiya	23
Publikong Pagsugid.....	23
Dayag nga mga Sala	25
Padayon sa Pag-abante	26
Pagpakyas sa Grasya sa Dios	27
Pag-usisa sa Imong-kaugalingon	30
Ang Katuyoan para sa Imong Kinabuhi.....	34
Ang Isyu sa Kaluwasan	35

Pakapin sa Basahon A: Doktrina sa Rebound 38

Pakapin sa Basahon B: Doktrina sa Divine
nga Disiplina 41

Timan-anan sa Balaang Kasulatan 45

Pasiuna

Sa dili pa ikaw magsugod sa pagtoon sa Bibliya, kon ikaw usa ka magtotoo diha kang Ginoong Jesu-Kristo, siguroha nga imo nang gihinganlan ang imong mga sala sa pribadong pamaagi ngadto sa Dios nga Amahan.

Kon isugid ta ang atong [nahibaloan] mga sala, Siya matinumanon ug matarong sa pagpasaylo kanato sa atong [nahibaloan] mga sala ug sa paghinlo kanato gikan sa tanang [wala-mahibalo-i, o nahikalimtan na nga mga sala] dili-pagkamatarong.
(1 Juan 1:9)

Ikaw anaa na dayon sulud sa fellowship uban sa Dios, napuno diha sa Balaang Espiritu, ug andam na sa pagkat-on sa doktrina sa Bibliya nga gikan sa Pulong sa Dios.

“Ang Dios espiritu, ug kinsa kadtong nagasimba Kaniya kinahanglan magasimba diha sa [ang pagpuno sa] espiritu ug [biblikal] kamatuuran.”
(Juan 4:24)

Kon ikaw wala pa sa kinaugalingon nga mitoo diha ni Ginoong Jesu-Kristo isip imong Manluluwas, ang isyu dili ang pagsugid sa imong mga sala. Ang isyu mao ang pagtoo lamang diha ni Kristo lamang.

“Siya nga motoo sa Anak may kinabuhi nga walay katapusan; apan siya nga dili mosunud [ang sugo sa pagtoo] sa Anak dili makakita sa kinabuhi, hinoon magapabilin ang kaligutgut sa Dios diha kaniya.” (Juan 3:36)

ANG PULONG SA DIOS buhi ug labing gamhanan, mas hait pa kay sa bisan unsang duhay-sulab nga espada, naglagbas bisan pa ngadto sa nagpahimulag sa kalag ug sa espiritu, ug sa mga lutahan ug sa kinauyokan, ug maoy usa ka kritiko sa mga panghunahuna ug mga tinguha sa kasingkasing. (Mga Hebreohanon 4:12)

Ang tibuuk nga Kasulatan sa Dios-gipaginhawa, ug maganansyahon alang sa doktrina, alang sa pagbadlong, alang sa koreksiyon, alang sa pagpanudlo ngadto sa pagkamatarong; aron ang tawo sa Dios basin ra mahimong hamtong, sa hingpit gisangkapan ngadto sa tanang maayong mga buhat. (2 Timoteo 3:16-17)

Pagtoon aron pagpakita sa imong kaugalingon nga aprobado ngadto sa Dios, usa ka magbubuhat nga dili kinahanglan nga maulaw, sa husto nga nagbahinbahin sa pulong sa kamatuuran. (2 Timoteo 2:15)

ANG MGA BALAOD SA ESPIRITUWALIDAD UG KARNALIDAD

Apan sa dihang sila [mga eskriba ug mga pariseyo] mipugus sa pagpangutana Kaniya [Jesus], Siya mibarog, ug miingon ngadto kanila, “Siya nga kinsa walay sala diha kaninyo, tugoti siya *nga maoy* unang mobuno og bato ngadto kaniya.” (Juan 8:7)¹


PAGKAHUMAN NI GINOONG JESU-KRISTO SA PAGSULTI niini nga mga pulong, wala gayuy mingbuno og bato. Bisan pa ang kinaugalingong kamatarong, relihiyosong mga eskriba ug mga pariseyo kinsa anaa niadtong adlaw na nakasabut nga ang matag myembro sa tawhanong kaliwatan nakasala ug napakyas sa Ginoo (Mga Taga-Roma 3:23).

Ingnon ta nga ang Ginoo miingon, “Tugoti siya nga kinsa walay sala ang magsilbi kanako diha sa Kristohanong kinabuhi.” Kinsa ang nakaabut sa maong sukdanan para sa serbisyo o produksiyon? Ang Ginoo wala na

1. Gawas kon sa laing pamaagi gipahayag, ang tanang mga Kasulatan niini nga libro gikutlo sa *New American Standard Bible* (NASB). Kadtong mga gimarkahan og KJV mao ang gikutlo gikan sa King James Version; kadtong mga gimarkahan og “gikorihiang paghubad” maoy akong mga paghubad sa Hebrew ug Greek nga mga teksto. Ang kinorsetihan nga komentaryo nagpadayag sa pagpalapad sa NASB nga paghubad nga gitudlo sa Bibliyanhong mga panudlo (anaa sa MP3 CD gikan sa R.B. Thieme, Jr., Bible Ministries, Houston, Texas).

untay mga embahador dinhi sa kalibutan! Tungud niini, ang Dios diha sa Iyang walay-tumbas nga grasya² mihimo og probisyon para sa tanang mga magtotoo sa pagbuntog sa sala ug sa kinaiyang makasasala aron sa ingon sila makasilbi Kaniya ug mahimong Iyang mga representante dinhi sa kalibutan ni satanas (Juan 12:31; 14:30).

Ang kinaiyang makasasala mao ang sentro sa tawhanong pagrebelde ngadto sa Dios ug sa kalainlain gihinganlan diha sa



KINAIYANG MAKASASALA

2. Grasya mao ang tanan nga ang Dios gawasnon sa pagbuhat para sa mga katawhan og gibase sa nagpaluwas nga buhat ni Kristo didto sa krus. Ang katawhan dili gayud makatuman o makakab-ot sa pag-uyon o pabor sa Dios pinaagi sa iyang kaugalingong mga paningkamot, buhat, kusog, o moralidad.

Kasulatan isip “sala” (usa ka pangusahan nga kangalan—Mga Taga-Roma 7:13), “unud” (Mga Taga-Galacia 5:16), ug “karaang tawo” (Mga Taga-Efeso 4:22, KJV). Ang kinaiyang makasasala nakuha ni Adan niadtong siya nalaglag ug misunud ang pagpasa sa kaliwatan diha sa lalaki pinaagi sa pakighilawas (Genesis 5:3; 1 Mga Taga-Corinto 15:22). Gawas lamang sa perpektong pagkatawo ni Jesu-Kristo, ang kinaiyang makasasala usa ka kabahin sa kinatibuk-an sa matag tawhanong binuhat nga nagpuyo diha sa selyulang estruktura sa lawas (Mga Taga-Roma 6:6; 7:5, 18). Sa higayon sa lawasnong pagkahimugso sa dihang ang Dios naghatag sa kalagnong kinabuhi, Siya usab naghatag sa orihinal nga sala ni Adan ngadto sa kaliwatanong naporma nga kinaiyang makasasala (Mga Taga-Roma 5:12).³ Busa, ang kada tawo gipanganak nga buhi sa lawasnon, apan patay sa espirituhanon. Ang kinaiyang makasasala maoy labaw kaysa tawhanong kinabuhi (Mga Taga-Roma 6:12). Ang kinaiyang makasasala gilangkuban sa lugar sa kahuyang, ang gigiklanan sa tentasyon para sa personal nga mga sala (Mga Hebreohanon 12:1); ang lugar sa kalig-on nga makamugna og tawhanong kamaayo (Isaias 64:6; Mga Hebreohanon 6:1); usa ka hilig paingon sa legalismo nga mao ang kinaugalingong-pagkamaayo (Mga Taga-Roma 7:7); usa ka hilig paingon sa antinomianismo nga mao ang pagkamaulagon (Mga Taga-Galacia 5:19-21); ug ang pangibog nga sundanan nga mao ang tigpadasig paingon sa bisan asang hilig (Mga Taga-Efeso 2:3).⁴

Ang imong kinaiyang makasasala mao ang gigiklanan sa tentasyon aron makasala, apan ang imong *kabubut-on* mao ang gigiklanan sa sala. Ang kinaiyang makasasala dili makahimo kanimo nga makasala, kini magtental lamang kanimo

3. R. B. Thieme, Jr., *The Integrity of God* (Houston R.B. Thieme, Jr., Bible Ministries, 2005), 60-70. Sunud niini, cross-references sa akong mga libro maghisgot lamang sa tag-sulat, ulohan, petsa sa publikasyon (sa unang reperensya), ug panid (mga panid). Tan-awa usab ang Thieme, *The Origin of Human Life* (1994).

4. Thieme, *The Plan of God* (2003), 9-16; *Rebound and Keep Moving!* (1993), 6-9.

aron makasala. Kon ikaw magpili sa pag-uyon sa kinaiyang makasasala, ikaw dili makapuyo sa Kristohanong kinabuhi o makasilbi sa Dios. Ang kinaiyang makasasala magdominar ug magkontrolar sa imong kinabuhi gawas lamang kon ikaw makasabut ug maaplikar ang mga prinsipyo sa rebound ug naghikling sa imong mga sala. Kini nga mga prinsipyo nagbase sa mga balaod sa espirituwalidad ug karnalidad.

Kay ang balaod sa Espiritu sa kinabuhi diha ni Kristo Jesus ang nagpagawasnon kanimo [*eleutheroo*] gikan sa balaod sa sala [*kinaiya*] ug sa [*espirituhanon*] kamatayon. (Mga Taga-Roma 8:2)

Ang unang balaod mao ang balaod sa espirituwalidad, o “ang balaod sa Espiritu sa kinabuhi diha ni Kristo Jesus.” Ikaw dili gayud mahimong espirituwal hangtod nga ikaw unang mitoo ni Kristo pinaagi sa pagtoo lamang (Mga Buhat 16:31; Mga Taga-Efeso 2:8-9).⁵ Sa higayon sa kaluwasan, ang Balaang Espiritu nagsulud kanimo ngadto sa paghiusa uban ni Kristo pinaagi sa bawtismo sa Balaang Espiritu (1 Mga Taga-Corinto 12:13).⁶ Ikaw adunay usa ka bag-ong posisyon “diha ni Kristo.” Ikaw usa ka “bag-ong espirituhanong binuhat” (2 Mga Taga-Corinto 5:17, kinorihang paghubad), usa ka personal nga gihuptan sa Dios sa kahangturan (1 Pedro 2:9-10).

Kini nga *posisyonal* nga kamatuuran adunay duha ka mga parte: mabalikong posisyonal nga kamatuuran ug kasamtangang posisyonal nga kamatuuran. Diha sa mabalikong posisyonal nga kamatuuran ikaw nailhan diha sa

5. Tan-awa sa mga panid 35-37.

6. Thieme, *The Integrity of God*, 118-26; *Tongues* (2000), 30-36.

espirituhanong kamatayon ni Kristo,⁷ lawasnong kamatayon, ug paglubong nga timailhan sa pagsalikway sa tawhanong kamaayo ug kadaotan.⁸ Ang imong daang kaugalingon, ang kinaiyang makasasala, maoy “gilansang uban Kaniya” (Mga Taga-Roma 6:6). Ang imong pagkanailhan uban ni Kristo ang nagputol sa pagdumala ni Satanas ug pagkalabaw sa kinaiyang makasasala nga nakuha pinaagi sa espirituhanong kamatayon (Mga Taga-Roma 6:1-4). Ikaw mabalikong makig-ambit diha sa kadaugan sa Ginoo didto sa krus. Ang kasamtangang posisyonal nga kamatuuran mao ang pagkanailhan uban ni Kristo diha sa pagkabanhaw, pagsaka, ug pagtapo diha sa toong kamut sa Amahan. Ikaw gideklara nga matarong (Mga Taga-Roma 4:3; 2 Mga Taga-Corinto 5:21) ug adunay usa ka siguradong posisyon diha sa paghiusa uban ni Kristo (Mga Taga-Roma 8:38-39). Ikaw makig-ambit sa tanan og kinsa Siya ug ang iyaha diha sa Iyang gidayeg nga posisyon didto sa langit. Sa pagtangtang sa Dios sa gahum sa kinaiyang makasasala pinaagi sa mabalikong posisyonal nga kamatuuran, Siya nagpuli pinaagi sa kasamtangang posisyonal nga kamatuuran, posisyonal nga sangtipikasyon⁹—ang *potensiyal* aron makapuyo sa talagsaon


7. Ang espirituhanong kamatayon ni Kristo mao ang Iyang pagkabulag gikan sa Dios nga Amahan samtang Siya gihukman para sa atong mga kasal-anan. Ang Dios dili gayud makahimo og relasyon diha ni Kristo samtang nagpas-an Siya sa atong mga sala diha sa Iyang lawas didto sa krus. (1 Pedro 2:24)

8. Tawhanong kamaayo mao ang usa ka produksiyon sa pagkamanggihatagon o mga binuhatan sa usa ka magtotoo nga anaa sa karnalidad, ubus sa pagkontrolar sa kinaiyang makasasala. Ang maayong mga binuhatan sa usa ka karnal nga Kristohanon walay-kalainan sa maayong mga binuhatan nga gibuhat sa dili-magtotoo, walay espirituwal nga bili, ug dili-gantihan sa langit. Tan-awa ang Thieme, *Reversionism* (2000), 14-17.

9. Sangtipikasyon maoy usa ka teknikal teyolohianhon nga termino nga nagpasabut aron ilain sa Dios para sa espesyal nga katuyoan. Ang matag magtotoo gilain sa tulo ka mga paagi nga molungtad gikan sa punto sa kaluwasan hangtod sa eternal nga kahimtang (Juan 17:17; 1 Mga Taga-Tesalonica 5:23; Mga Hebreohanon 13:12). Unang paagi, *posisyonal nga sangtipikasyon*, naghulagway sa higayon nga ang bawtismo sa Espiritu nagsulud sa magtotoo ngadto sa paghiusa uban ni Kristo aron makaangkon siya og mga hiyas sa pagtubo ngadto sa espirituhanong kahamtong ug makasilbi sa Ginoo. Ikaduhang paagi, *ekspiryensiyal nga sangtipikasyon*, mao ang pagsaka sa magtotoo paingon sa espirituhanong kahamtong ug sa aktuwal mismong pagsilbi sa Ginoo samtang siya buhi pa. Ikatulong paagi, *pinakataas nga sangtipikasyon*, mao ang magtotoo anaa na sa lawas sa pagkabanhaw.

nga espirituhanong kinabuhi uban ang tanan niini nga mga panalangin.

Ang imong bag-ong posisyon diha ni Kristo girepresentahan diha sa diyagrama pinaagi sa ‘ibabaw nga lingin,’ nga naghulagway sa imong waykatapusang relasyon. Ikaw dili makagawas sa ibabaw nga lingin. Mao usab, sa higayon sa kaluwasan ikaw gisulud sa temporal nga fellowship, o espirituwalidad, nga girepresentahan pinaagi sa ‘ubus nga lingin.’



Basta lamang wala kay sala nga wala-masugid sa imong kinabuhi, ikaw magpabilin diha sa temporaryong fellowship uban sa Dios ug napuno sa Balaang Espiritu (Mga Taga-Efeso 5:18). Kon ikaw napuno sa Espiritu, ikaw espirituwal ug ikaw naglakaw “diha sa kahayag” (1 Juan 1:7). Diha sa estado sa espirituwalidad ikaw gawasnon gikan sa pagkontrol sa kinaiyang makasasala. Ang aorist active nga timailhan sa *eleutheroo*, “ang nagpagawasnon kanim,” nagpaila nga ilalum sa pagpuno sa Balaang Espiritu, “ang balaod sa Espiritu sa kinabuhi” ang moepekto ug mao ang bug-os nga awtoridad sa imong kinabuhi. Apan, sa higayon nga ikaw makasala ikaw mawad-an sa pagpuno sa Balaang Espiritu, migawas sa fellowship, ug mibalik ilalum sa pagkontrol sa kinaiyang makasasala, o ang “balaod sa sala.” Kon ikaw mosipyat og rebound (1 Juan 1:9),¹⁰ ang bugtong paagi sa pagbakwi sa espirituwalidad human ka makasala, “ang balaod sa sala” magpabilin sa gihapon.

Kini nga ikaduhang balaod, “ang balaod sa sala [kinaiya] ug sa [espirituwal] kamatayon,” naghulagway sa kinaiyang makasasala nga naghatag sa espirituhanong kamatayon ngadto sa tawhanong kaliwatan nga nagsugod kaniadto pa sa panahon ni Adan.¹¹ Bugtong pagtoo diha ni Kristo lamang ang makatangtang sa silot sa sala ug espirituhanong kamatayon (Juan 3:3, 15), apan ang kinaiyang makasasala nagpuyo lang gihapon diha sa imong lawas human sa kaluwasan. Kon ikaw mosunud sa tentasyon ug sala, ikaw anaa sa estado sa karnalidad (1 Mga Taga-Corinto 3:1) ug ikaw “naglakaw sa kangitngit” (1

10. Tan-awa sa Pakapin sa basahon A. Tan-awa usab ang Thieme, *Rebound and Keep Moving!*

11. Ang espirituhanong kamatayon sa tawhanong kaliwatan mao ang pagkahimulag gikan sa Dios diha sa estado sa sala (Mga Taga-Efeso 2:1) gumikan sa divine nga paghukum niadtong Pagkalaglag. Ang orihinal nga sala ni Adan miresulta sa iyang hinanaling pagkawagtang sa relasyon ug fellowship uban sa Dios. Ang impyutasyon sa silot sa orihinal nga sala ni Adan nga pinaagi sa kaliwatan nga napormang kinaiyang makasasala sa pagkatawo diha sa mga sumusunod nga henerasyon og magresulta sa matag tawo gawas lamang ni Jesu-Kristo nga gihimugsong buhi sa lawasnon, apan patay sa espirituwal (Mga Taga-Roma 5:12, 18; 6:23).

Juan 1:6). Kon ikaw magtugot sa kinaiyang makasasala nga mokontrolar sa imong kalag, ang imong kinabuhi mamahimong miserable ug ang imong produksiyon mahunong. Ikaw walay hinungdan ngadto sa Ginoo. Ikaw manubag sa disiplina nga gikan sa Ginoo.

Usa sa mga timailhan sa atong kaluwasan mao ang disiplina nga gikan sa Dios para sa sala:

KAY KINSA KADTONG GIHIGUGMA SA GINOO
SIYA NAGDISIPLINA,
UG SIYANAGLATUS [panitag buhi gamit ang latigo]
SA MATAG ANAK [lalaki o babaye] KANSANG
IYANG GIDAWAT. (Mga Hebreohanon 12:6)

Ang Dios nahigugma kanato sa walay-kinutubang gidak-on sa gugma. Kon ang Dios magdisiplina sa Iyang mga anak, kini dili gayud Niya intensiyon nga magpahamtang og tortyur. Ang Iyang disiplina dili gayud madalidalion: “Kay dili Niya kagustuhan ang magpahamtang, O magpaguul sa mga anak sa tawo” (Mga Pagbangutan 3:33). Ang Iyang disiplina mao ang pagpakita sa Iyang gugma ug sa kanunay para sa atong kaayohan diha sa pagtudlo ug panalangin.

Kon tugotan nimo ang wala-masugid nga sala aron magpabilin ka sa nagpadayong disiplina, kini imposible para kanimo aron sa pagtubo espirituhanon, aron makahimo og divine nga kamaayo,¹² o sa paglihok isip usa ka embahador para ni Kristo. Apan, kon ikaw nasayod sa usa ka sala sa imong kinabuhi ug isugid kini sa Dios nga Amahan, unsa ang mahitabo? Ikaw mapasaylo, ug ang imong disiplina, kon kini magpadayon gihapon, mamahimong panalangin.

12. Divine nga kamaayo mao ang bisan unsang Kristohanong pagserbisyo o buhat nga gihimo sa usa ka magtotoo ubus sa pagpuno sa Balaang Espiritu. Bugtong ang divine nga kamaayo, ang adunay tinuud ug waykatapusang bili, maoy madawat sa perpektong mga sukdanan sa Dios ug makadawat sa pasidungog ug ganti sa langit.

Bug-os ang kahimtang sa espirituwalidad ug karnalidad. Sila sa kanunay nagsumpaki diha sa sulud kanimo. Bisan hain ikaw sa Espiritu napuno o wala. Ang espirituwalidad ug karnalidad, busa, managsamang eksklusibo sa bahin dos.¹³ Kon ikaw mobuhat sa Kristohanong paagi sa kinabuhi, ang balaod sa espirituwalidad kinahanglang molabaw sa balaod sa karnalidad diha sa imong kalag.

Ang Ikatulong Balaod

Diha sa Mga Taga-Roma 8:3, ang ikatulong balaod gipaila: ang Balaod ni Moses. Ang Karaang Kasulatan “balaan ug matarong ug maayo” (Mga Taga-Roma 7:12) tungud kay gikan man sa Dios. Ang Balaod adunay tino nga katuyoan, naghatag og moral, espirituwal, ug sibil nga mga prinsipyo para sa nasud sa Israel. Ang Balaod nagpresentar sa Messiah, Jesu-Kristo, ug nagpasabut sa Iyang papel isip Manluluwas pinaagi sa ritwal sa Levitikanhong mga paghalad ug ang pagtukod og mga kasangkapan sa Tabernakulo.¹⁴ Ang Balaod walay gahum aron magawasnon ang tawo gikan sa sala, kini makatudlo lamang sa dalan sa kaluwasan. Ang Balaod “mahuyang,” nalimitahan tungud sa pagpuyo sa kinaiyang makasasala diha sa matag tawhanong binuhat. Kini nga kahuyang makit-an pinaagi sa tawhanong kinaugalingong-kamatarong ug legalismong mga distorsiyon sa paningkamot nga matuman ang Balaod aron makaangkon sa kaluwasan ug pabor sa Dios. Ang Balaod wala gidisenyo aron paghatag sa kaluwasan o espirituwalidad para sa katawhan. Si Jesu-Kristo, gipadala sa Dios nga Amahan, maoy bugtong epektibo nga “*panghalad* para sa sala.” Dili lamang kay gisilotan Siya para sa sala isip atong perpektong puli, apan

13. Bahin uno ang kaluwasan; bahin dos mao ang Kristohanong paagi sa kinabuhi, nga magsugod dihadiha dayon human sa kaluwasan ug magpadayon hangtod bisan hain ang kamatayon o ang Pagsakgaw; bahin tres ang eternidad.

14. Thieme, *Levitical Offerings* (2004).

Siya usab nagguba sa gahum sa kinaiyang makasasala pinaagi sa Iyang espirituhanong kamatayon ug pagkabanhaw.

Kay kon unsa ang Balaod ni Moses dili makahimo, mahuyang tungud kay kini pinaagi [nalimitahan pinaagi] sa unud [ang kinaiyang makasasala], ang Dios [nga Amahan—magbubuhat sa divine nga plano] *nagbuhat*: nagpadala sa Iyang kaugalingong Anak og nahisama sa makasasalang unud [katawhan] ug *isip usa ka paghalad* para sa sala, Siya nagsilot [naghukum] sa sala diha sa unud. (Mga Taga-Roma 8:3)

Gituman ni Kristo ang Balaod. Diha sa Mateo 5:17, si Jesus miingon, “Ayaw paghunahuna nga Ako mianhi aron tangtangan ang Balaod o ang mga Propeta; Ako wala moanhi aron sa pagtangtang, apan aron sa pagtuman.” Sa Iyang pagpakatawo, gituman ni Kristo ang perpektong pagkamatarong nga gibungat diha sa Balaod. Sulud sa gatosan ka katuigan, ang Balaod nagahulat sa usa nga makatuman sa matag kudlit ug tuldok, apan walay bisan usa ang nakahimo. Ang presensiya sa kinaiyang makasasala sa matag myembro sa tawhanong kaliwatan ang nagpugong bisan sa posibilidad nga magpuyo sa usa ka kinabuhi nga walay sala. Apan ania may Usa, gipanganak sa usa ka birhen, walay kinaiyang makasasala, walay giimpyut o personal nga sala, kinsa mianhi sa kalibutan isip usa ka tinuud nga tawo ug walay-pagkunhod nga pagka Dios diha sa usa ka Persona,¹⁵ ug nagpuyo sa usa ka perpektong kinabuhi. Ang Balaod “natuman ngari kanato” tungud kay ang Iyang perpektong pagkamatarong maoy giimpyut diri kanato sa

15. Ang paghiusa sa duha ka mga kinaiyahan, divine ug tawhanon, diha sa usa nga pagkatawo ni Jesu-Kristo mao ang gitawag og Hypostatic nga paghiusa. Kini nga mga kinaiyahan ang dili-mabulag nga paghiusa nga walay pagkawagtang o pagsagol sa managlahing timailhan, nga walay pagkawagtang o pagbalhin sa mga hiyas o kinaiyahan, ang paghiusa nga personal ug waykatapusan.

higayon sa kaluwasan.

Aron nga ang panginahanglanon sa Balaod [perpektong sukdanan nga gibungat sa Balaod ni Moses] mahimong matuman ngari kanato, kinsa nga wala maglakaw sumala sa [ang pagkontrol sa] unud [kinaiyang makasasala], apan sumala sa [ang pagkontrol sa] Espiritu. (Mga Taga-Roma 8:4)

Kagawasan gikan sa gahum ug pagkontrol sa kinaiyang makasasala miabut pinaagi sa kamatayon ug pagkabanhaw ni Kristo. Ang kagawasan matuman kon kita motoo diha ni Kristo pinaagi sa pagtoo lamang, apan kana nga kagawasan masinati sa atong mga kinabuhi pinaagi lamang sa gahum sa pagpuno sa Balaang Espiritu. “Apan kon ikaw nagiyahan sa Espiritu, ikaw *dili* sakup sa [Mosaic] balaod” (Mga Taga-Galacia 5:18, gidugang ang mga italic). Kini nga pagpuno sa Balaang Espiritu mao ang divine nga probisyon para sa temporaryong fellowship, para sa pagsabut sa doktrina sa Bibliya, ug para sa paglakaw “sumala sa [ang pagkontrol sa] Espiritu” nga mao ang pagbuhat sa espirituhanong kinabuhi (Juan 14:26; 16:13; Mga Taga-Galacia 5:16). Kita makaangkon og kadaugan batok sa kinaiyang makasasala basta lamang kita magapuyo ubus sa “balaod sa Espiritu sa kinabuhi diha ni Kristo Jesus.”

NAGLIHOK UBUS SA BALAO SA ESPIRITUWALIDAD

Aron makalihok ubus niini nga balaod sa espirituwalidad, adunay tulo ka mga paagi nga kinahanglan nimong sundon kon ikaw makasala:

1. Rebound;

2. Ihikling ang nangaging mga sala;
3. Padayon sa pag-abante.

Rebound

Kon isugid ta [pag-angkon] ang atong mga sala [sa Dios nga Amahan], Siya matinumanon [Siya sa kanunay naghimo niini tungud kay Siya walay-kausaban] ug matarong sa pagpasaylo kanato [sa hingpit magpapas] sa atong mga sala [ang personal nga mga sala og atong nahibaloan nga atong nabuhat] ug sa paghinlo [pagputli] kanato gikan sa tanang dili-pagkamatarong [mga sala nga atong nabuhat o kalapasan nga wala nato gani mahibalo-i]. (1 Juan 1:9)

Unsaon man sa usa ka matarong nga Dios sa pagpasaylo sa dili-matarong nga tawhanong mga binuhat? Ang hustisya ug pagkamatarong sa Dios nakuntento o natagbaw sa dihang ang tanan nga mga sala sa katawhan giimpyut ngadto ni Jesu-Kristo didto sa Krus ug gihukman. “Ang dugo ni Jesus nga Iyang Anak naglimpyo kanato [nagapadayon] gikan sa tanang mga sala” (1 Juan 1:7b). Ang dugo ni Kristo naghulagway sa Iyang mapulihong espirituhanong kamatayon didto sa krus.¹⁶ Ang buhat sa “dugo” doble: ang kapasayloan gikan sa tanang wala-pang-kaluwasan nga mga sala sa higayon sa kaluwasan, ug ang kapasayloan ug pagputli gikan sa human-sa-kaluwasan nga mga sala sa karnal nga magtotoo sa panahon sa rebound.

Tungud sa buhat ni Kristo didto sa krus, ang Dios hingpit ang kamakiangayon ug patas sa pagpasaylo sa mga sala. Kon ikaw simpleng naghingalan sa imong mga sala, ikaw nagsugid sa mga sala nga nahukman nang daan ug dili na usa ka

16. Thieme, *The Blood of Christ* (2002).

babag tali kanimo ug sa Dios. Ikaw dili lamang kay nahibalik sa fellowship, apan sa pagkakaron—siguro sa usa ka segundo labing menos—ikaw napuno sa Espiritu. Pero sa dili pa ikaw makahimo sa sunud nga ginhawa, siguro ikaw mawala sa fellowship na usab tungud sa pagkapakyas diha sa sunud nga lakang.

Ihikling ang Nangaging mga Sala

Nakaobserba ka naba og usa ka chain smoker? Siya modagkot sa usa ka sigarilyo gikan sa usa, nga dili gayud mogamit og posporo. Kana mao ang modus operandi sa daghang mga magtotoo; sila mga ‘chain sinners,’ modagkot sa usa ka sala ngadto na sa lain pa. Sila moingon nga ang rebound dili gayud magsilbi! Buyno, bitaw ang rebound dili gayud magsilbi para nila! Sila makasala, magsugid sa sala, ug unya sila magsugod sa kabalaka mahitungud nianang sala nga mura ba og ang Dios wala makapasaylo kanila. Ang karaang sala magdagkot sa usa ka bag-ong sala sa kabalaka, kaguul, pagkasad-an, kalooy sa kaugalingon, kapaitan o panimalus aron nga kining mga karnal nga mga magtotoo dili makaabante sa ilang Kristohanong kinabuhi. Sila milukso pasulud ug pagawas sa ubus nga lingin, wala magpuyo diha sa fellowship sa igong gidugayon aron mahibaloan kon ang rebound magsilbi ba o dili.

Kon ikaw mogawas sa fellowship tungud sa usa ka sala nga humana gipasaylo, ikaw gayud nagsugod og sumpaysumpay nga pagpakasala. Kini nga katalagmanong gawi ang maghawid kanimo aron magpadayon ka nga gawas sa fellowship—dili tungud sa orihinal nga sala, apan tungud sa pagkakaron nga sala nga mitubo gumikan sa kapakyasan nga ihikling ang unang sala.¹⁷

Siguro ikaw adunay pipila ka mga pagsulay o kalisud sa

17. Tan-awa sa Pakapin sa Basahon B.

imong kinabuhi nga imong gipasangil sa usa ka sala nimo sauna pa—ang usa ka sala nga nasugid na ug busa, napasaylo na nga sala. Atong pagatawgon ang karaang sala og ‘kalabera sulud sa aparador’ ug matag-usa anaa gayud. Kon imong ipareha ang tanang disiplina sa imong kalabera, ikaw gawas sa fellowship ug magpabilin didto samtang ikaw mitapot ngadto sa nauna nga sala. Ikaw maglibog ug miserable. Ikaw makasinati og gumunhap sa kinabuhi nga disiplina, mga presyur, mga pagsulay, mga kasakit sa dughan, tanang klase nga mga problema apan dili gayud masabtan kun ngano. Siguro imong sulayan aron mahupay ang pagbasol niadtong nangagi na nga sala pinaagi sa pipila ka sistema sa penitensiya. Siguro imong sulayan sa pagsugid sa usa ka amigo, sa psychologist, sa pastor—bisan unsa nalang aron mapapas ang pagkasad-an sa imong nangaging kalapasan.

Pagkakahibulungan og unsa kataas ang imong panumduman. Ikaw nakahinumdom sa mga panghitabo sa katuigan nga ang Dios nagpasaylo na ug nagpapas pinaagi sa grasya. Ikaw mitan-aw pabalik, nanguyawan sa mga sangputanan sa imong karaang kalabera. Ikaw nagtoo nga kini ang pinaka daotan nga imong nahimo nga sala og ang Dios dili gayud makapasaylo sa usa ka niloog nga kapakyasan. Niini nga gitoohan, ikaw nagpabilin nga gawas sa fellowship, nagbaliwala sa karon nga mga sala nga maoy tinuud nga hinungdan sa imong katalagman. Sa tinuud lang, ang imong pag-agwanta mismo nagsugod gikan sa gihambin nga guilt complex, o tabitabi, o kapaitan, o pagkaselos, o kasuya, o kapungot, o bisan hain sa laing makapukan nga mga sala.¹⁸ Tungud kay ikaw nagsige og balikbalik sa imong kalabera ug pakyas aron ihikling ang karaang sala, ang problema dili gayud masulbad.

Ikaw sulud ug gawas sa fellowship, nagpatongpatong sa

18. Thieme, *Christian Suffering* (2002).

mga sala. Ikaw wala gayud makasinati sa bisan unsa kundili disiplina. Kining magbalikbalik nga karnalidad makaaghat sa pipila ka mga klase sa supak-sa-kabubut-on nga reaksiyon, sama sa pagkadiskurahi, sayup-nga-ilusyon, o negatibo nga kabubut-on diha sa doktrina sa Bibliya. Sa dili pa nimo kini mahibaloan, ikaw nagsugod diha sa unang mga ang-ang sa rebersiyonismo.¹⁹

Sa dihang ikaw nagsugid sa sala, ikaw gimandoan sa paghikalimot niini. Imong gibutang imong problema diha sa mga kamut sa Ginoo. Ang problema wala na masakup kanimo! Tungud kay ang Dios nagpapas sa imong sala, unsa nga katungud anaa kanimo aron lantawon pagbalik, aron mohilak, o aron gilti ang mabati tungud niadto? Kon imong kuhaon ang sala pagbalik ug mabalaka tungud adto, naghimo lang ka og kinaugalingong-binuhat nga kaalaotan. Kon gusto nimo ingon ani imong pagpuyo, imo na kanang problema; pero kinahanglan makaamgo ka nga ang pagkabalaka mahitungud sa imong miagi nang mga sala o pagbaton og guilt complex magpalapad lamang sa karnalidad. Ikaw kinahanglan morebound ug ihikling ang imong mga sala sa dili pa ang rebersiyonismo makaabut sa mga ulahing ang-ang diin ang pagbakwi pirti na gayud kalisud.

Sa dihang ikaw magsugid sa *bisan unsang* sala, ang imong pinakadako nga hagit mao ang pagpuyo diha sa ubus nga lingin. Bugtong ang paghikling sa imong mga sala lamang nga ikaw makasugod sa paggamit sa imong espirituhanong mga kabtangan ug makapadayon paingon sa katuyoan nga espirituhanong pagkahamtong.

Kaigsoonan, ako wala mag-isip sa akong
kaugalingon nga nakakab-ot na *niini* [nakahuput

19. Rebersiyonismo mao ang pamaagi sa kinabuhi nga gipili sa magtotoo kon siya mobiya gikan sa plano sa Dios, kabubut-on, ug katuyoan para sa iyang kinabuhi ug mobalik ngadto sa unang pagtoo, sa unang panglantaw, ang sa unang modus operandi. Ang rebersiyonista dili mawad-an sa iyang kaluwasan pero siya ubus sa impluwensiya sa cosmic nga sistema ni Satanas (1 Timoteo 4:1). Tan-awa sa Thieme, *Reversionism*.

na sa espirituhanong pagkahamtong]; apan usa ka butang nga *akong nahimo*: paghikalimot [*epilanthanomai*] kun unsa ang *anaa* sa likod. (Mga Taga-Filipos 3:13a)

Epilanthanomai nagpasabut og duha ka pulong nga “paghikalimot” ug “pagbaliwala”—sa laing pagkasulti, “sa pagbutang sa kalimot.” Sa higayon nga ikaw morebound, ibutang kana nga sala sa kalimot! Ayaw na lingi-a pa—kanunay ang paglantaw sa unahan! Kini matuman pinaagi sa pagmintinar sa fellowship pinaagi sa rebound ug pagtutuk sa imong mga mata ngadto sa Ginoo pinaagi sa paggamit sa pagtoo-pahulay nga paagi.²⁰

Ang pagtoo-pahulay nagsagol sa mga saad sa Pulong sa Dios uban ang pagtoo aron makamugna sa kalinaw ug pagsalig sa kalag nga makabuntog sa pag-antos kay gilti sa nangaging mga sala (Mga Hebreohanon 4:1-3a). Ikaw kinahanglan *masayod* sa mga saad sa Iyang Pulong ug unya *too* kanila. Tutuk niadtong mga saad ug kab-ota ang doktrinal nga konklusiyon nga kun ikaw morebound, ang imong sala mapasaylo. Unya, padayon sa pagsalig ug paghulat diha Kaniya (Mga Salmo 37:7a). Kon ikaw mogamit sa pagtoo-pahulay, ang imong hunahuna magmalinawon ug ikaw makaabut “paabante kun unsa ang *anaa* sa unahan” (Mga Taga-Filipos 3:13b)—pagtubo sa espirituhanong pagkahamtong pinaagi sa pagpasulud sa labing daghang doktrina sa Bibliya. Ikaw kinahanglan hikalimtan ang pagkasad-an ug padayon sa pag-abante. Ang Dios mapasensiyahong naghulat (Isaias 30:18) nga ibalhin ang disiplina ngadto sa panalangin aron ikaw makatubo. Kon dili nimo ihikling ang mga sala, ikaw dili gayud makaabut sa espirituhanong pagkahamtong.

Adunay tulo ka mga kategoriya sa mga sala—hunahuna,

20. Thieme, *Christian, at Ease!* (1993); *The Faith-Rest Life* (2004).

pulong, ug makitang mga sala—pinaagini ni ikaw makapadayon sa sumpay sumpay-nga-sala, makamugna og mga kalabera sa aparador, ug mapakgang ang imong espirituhanong kinabuhi.

PANGHUNAHUNA NGA MGA SALA

Guilt Complex. Kon ikaw maghinumdum sa sala uban ang kalisang, kon ikaw murag giurum bahin adto ug madiskurahi ug mawad-an sa paglaum, ikaw nagdebelop og guilt complex. Kon ikaw magpadayon sa pagpuyo diha sa nangagi nang sala, bisan pa og dili ka motoo nga ang Dios magpapas niini, o ang *pamati* nimo wala ka pasayloa. Ang pagbaton diha sa imong hunahuna sa mga sala nga ang Dios nagpapas na kini usa ka trahedya ug makadaot sa proseso sa panghunahuna sa usa ka magtotoo.

Itul-id ang imong panghunahuna karon dayon! Kon aduna kay guilt complex bahin sa bisan unsang butang sa imong kinabuhi—*tanang bisan unsang butang*—ikaw gawas sa fellowship. Ikaw usa ka miserableng pildiro! Samtang ikaw magpadayon sa paghambin sa guilt complex, ikaw dili gayud makarepresentar o makasilbi sa Ginoo o makahimo og divine nga kamaayo. Ikaw basin mosulay sa paghupay sa imong pagkasad-an nga konsensiya pinaagi sa maayong mga binuhatan, apan ang tawhanong mga buhat mao lamang ang kahoy, uhut, ug dagami (1 Mga Taga-Corinto 3:12-15). Usa ka pag-usik-usik sa panahon! Ang imong mga paningkamot walay kwenta tungud kay wala nimo gamita ang 1 Juan 1:9, ikaw wala napuno sa Balaang Espiritu, ug wala ka mitoo sa Pulong sa Dios. Bisan paman, ikaw nagpabiling buhi dinhi sa kalibutan ug ang katuyoan sa Dios para kanimo magpadayon.

Pagpasangil-sa-Kaugalingon. Usa ka resulta sa guilt complex mao ang panghunahuna sa pagtortur-sa-kaugalingon, nga akong gitawag og “pagpasangil-sa-kaugalingon.” Ikaw dili

makatortyur sa imong-kaugalingon nga labing epektibo pa pinaagi sa pagbutang sa imong tiil diha sa mainit nga kalayo o pagtusok sa talinis nga mga kawayan diha sa imong mga kuko. Niadtong Katungang Katuigan, kon ang usa ka tawo wala mabati nga ang iyang sala gipasaylo, siya sa kasagaran adunay lain nga mobunal kaniya gamit ang latigo, o siya mismo ang mobunal sa iyang-kaugalingon, o siya mohigda sa kama nga napuno og mga lansang, o talinis nga mga bildo, o mga salugsog sulud sa pipila ka mga oras. Siya masaypanong nagtoo, “Ako nasakitan; mao nga, ako napasaylo!” Siya nagpahamtang og lawasnong kasakit sa tinguha sa pag-eskapo sa iyang pangutok nga kaguul. Sa pagpasangil-sa-kaugalingon ikaw makatortyur sa imong-kaugalingon nga labaw pa kaysa mahimo sa uban.

Kon unsa imong gibati, ang kasakit nga imong gipahamtang sa imong-kaugalingon, dili makaapekto sa bisan unsang paagi sa pagpasaylo sa Dios. Ikaw napasaylo tungud kay kon kinsa ug unsa ang Dios. Gawas lamang kon angkonon nimo ang grasya sa Dios pinaagi sa rebound ug unya imong ihikling ang sala, dili igsapayan kon unsa imong buhaton, o asa ka padulong, o kinsa ang imong nailhan, ikaw dili gayud makaangkon bisan sa usa ka higayon sa tinuud nga kalipay diha sa imong kinabuhi. Pinaagi sa imong kinaugalingong-pagsilot, imong gihikawan ang imong kaugalingon sa mga panalangin nga ang Dios naghatag para sa imong benepisyo. Ikaw ang nagpakyas sa grasya sa Dios.

Kasilag, Kamasupakon, Kaselos. Basin sa miaagi ikaw nakamugna og kaligutgut batok sa usa ka tawo. Ikaw nagsugid sa imong antagonismo, apan tungud sa imong nagpadayon nga kaselos niadtong tawhana imong gipadayon ang sala ngadto na sa panagbingkil nga kahimtang (Santiago 3:14; 16). Mura ra og ikaw nag-ingon, “Ang sala patay na! Mabuhi ang sala!” Apan ang sala patay *na* tungud kay ang Dios naglubong na niini; kaso lang imong gikubkub! Ikaw pagadisiplinahon, dili tungud sa orihinal nga sala sa antagonismo, apan tungud sa gipakusgan nga sala ngadto na sa hilabihang kasilag.

Ikaw nakadungog sa mga tawo nga naghulagway sa kahibulungan sa Kristohanong kinabuhi, ang katingalahang grasya sa Dios ug kon unsa kini maglihok, ang kalipay, kalinaw sa kahiladman ug produksiyon, kining tanan ang anaa kanimo, apan ikaw wala gayud makasinati sa bisan asa niini nga mga panalangin. Nganong dili man? Tungud kay imong gigasto imong panahon diha sa kaselos, o tigpasiugda og panagbingkil, o nagpoot nga kasilag para sa imong tinuud o gitoohan nga mga kaaway. Kining tanan nga daotang mga panghunahuna migamot gikan sa wala ihikling nga sala.

Kapaitan. Walay sala diha sa Pulong sa Dios nga sama ka bangis sa kapaitan. Kini ang wala-maitos nga kaarogante sa kalag (Job 10:1; Mga Buhat 8:23; Mga Hebreohanon 12:15). Ang kapaitan mobalhin sa gugma ngadto sa kasilag, kalipay ngadto sa malisya, respeto ngadto sa pagdaot, panalangin ngadto sa tunglo. Ang kapaitan makapasanay sa naghitik nga emosyonalismo nga reaksiyon, makamugna sa paranoya, mopasaka sa kabalaka, moguba sa reyalidad, ug mopapas sa kaligdong ug kaugalingong-disiplina nga gikinahanglan sa paglabang sa pagsulay. Ang gipataas nga kapaitan pwedeng makamugna sa mangil-ad nga personalidad—neurotic o psychotic nga linihokan.

Kon ikaw moreak sa kapaitan, ikaw mangita og ‘pasumangil’ ug himoon kadtong tawhana nga maoy responsable para sa imong sala. Usahay imo pa gani nga pasumanginlan ang Dios! Apan samtang ikaw naghambin og kapaitan ngadto ni bisan kinsa nga myembro sa tawhanong kaliwatan o ngadto sa Dios, ikaw sa kanunay gawas sa fellowship. Ikaw mipili sa paglunang sa imong kaugalingon diha sa balaod sa karnalidad.

Adunay duha ka mga klase sa mga magtotoo: ang mga bantugan nga mga magtotoo kinsa nakaginansiya gikan sa ilang mga kapakyasan ug ang mga magtotoo nga nalubong sa ilang mga kapakyasan. Ang bantugan nga mga magtotoo dili na gayud molingi pa. Si David wala na milingi pagbalik. Si

Abraham wala na milingi pagbalik. Si Joseph wala na milingi pagbalik. Si apostol Pablo wala na milingi pagbalik. Kini nga mga tawhana nangapakyas, apan wala sila naghinumdum pa sa ilang mga sala; sila miabante sa unahan, nagpadayon sa pag-abante, ug naghimaya sa Dios.

Wala-masugid ug wala-mahikling nga panghunahuna nga mga sala dili gayud malikayan nga mosanga ngadto sa mga sala sa dila ug makita nga mga sala.

MGA SALA SA DILA

Ugaling lang, ang imong mga sala sa kaselos, kasilag, o kapaitan nabalhog sa imong panghunahuna. Apan karon, ikaw nagsugod sa paghisgot mahitungud sa tawo kinsa maoy tumong sa imong kaselos, kasilag, o kapaitan. Ang imong dila nahimong makuyaw nga instrumento sa usa ka kadena sa pamaba nga mga sala—usa ka mabangis ug daotan nga matang sa karnalidad (Mga Salmo 5:9). Ikaw siguro nagpatuyang sa mga sala sa dila panagsa, wala sa hunahuna, wala tuyoa, bisan kabuang lamang, apan sa kasagaran ang imong motibo kalkulado ug tinuyo, miturok gikan sa ka walay kalooy, pagpanimalus, o laing pipila ka panghunahuna nga sala. Ikaw siguro magbalikbalik sa pagsaway, pakaulaw, o pagbugalbugal sa pipila ka biktima. Ikaw siguro makighiusa uban sa usa ka grupo alang sa walay hunong nga pag-atake aron sa pagguba sa reputasyon sa usa ka tawo. Ang imong mga sala sa dila naglihok diha sa prinsipyo sa paghimo sa imong kalipay gikan sa kasakit sa uban.

Sagad dili makit-an ug sa kinatibuk-an gibaliwala, ang pamaba nga mga sala diha sa lokal nga simbahan makahimo og kagubot diha sa tibuuk kongregasyon (Santiago 3:5-6). Ang tinuud, ang mga magtotoo gimandoan sa paglikay gikan ni bisan kinsa diha sa lokal nga simbahan kinsa sa kanunay ang pagkasad-an sa mga sala sa dila (Mga Taga-Roma 16:17-18).

Pagbugalbugal o Paghukum. Ang pagbugalbugal mao ang luyo nga bahin sa sensilyo sa paghukum, ug nagpasabut sa pagguba sa usa ka tawo kinsa nahimong tumong sa imong kasilag o kaaway. Sa usa ka tawo diin ikaw nahiubus ug nagkontra nga murag malipayon ug miasenso, og maghatod kanimo ngadto sa miulbo nga kasuya. Diha sa kasuko ikaw magsugod og kampanya aron sa pagbugalbugal kaniya, sa pagbuhat sa maong sala, tinuud o butangbutang, ngadto kaniya aron nga ang uban magsalikway kaniya ug siya madaot o masakitan. Ang dili maayo nga mga butang nga imong gisulti mahitungud kaniya siguro tinuud, apan dili kana mao ang punto—ikaw sa gihapon naghimo sa sala nga paghukum. Diha sa paghukum, imong gipakadak-an ang imohang kabubut-on kaysa divine nga katungud sa paghukum ug pagsilot.

Ayaw buhata sa imong kaugalingon ang panimalus, hinigugma, apan butangi og luna ang kapungot sa *Dios*, kay kini maoy gisulat: “PANIMALUS MAOY AKOA, AKO ANG MAGBALUS, NAGSULTI ANG GINOO.” (Mga Taga-Roma 12:19)

Samtang ang imong katuyoan sa pagbugalbugal ug paghukum mao ang pagsakit sa tumong sa imohang pagkaselos ug kapungot, ang nakalahi kay imong gihimo nianang tawhana ang pinakadako nga pabor. Giunsa? Ang Dios nagkuha sa disiplina nga nahisakup niya ug ibubo kini diha kanimo! Busa, ikaw dili lamang makadawat sa disiplina nga para sa imong mga sala, apan ikaw usab makadawat sa disiplina sa usa ka tawo nga imong gibugalbugalan! Mao kini og ngano ang Bibliya nagsulti diha sa Mateo 7:1, “Ayaw paghukum kaysa kamo ang pagahukman sa *inyong-mga-kaugalingon*,” usa ka literal nga paghubad gikan sa pinulongang Griyego. Ang Mateo 7:2 makatabang kanimo aron sa pagsabut niini pag-ayo:

“Kay diha sa pamaagi nga ikaw maghukum, ikaw pagahukman; ug pinaagi sa imong basehanan sa pagsukud, mao ang sukdanan para kanimo.”
(Mateo 7:2)

Kon ikaw gustong mahimo nga miserable isip usa ka Kristohanon, ipadayon lang ang imong paghukum ug pagbugalbugal. Sa dili pa nimo mahibaloan kini, ikaw napaubus sa triple og gidugtong nga disiplina. Una, adunay disiplina para sa panghunahuna nga sala nga nagpaluyo sa sala sa dila. Ikaduha, ang pamaba nga sala nagdala usab og disiplina, nagdoble sa silot. Ikatulo, ang Dios nagbalhin diha *kanimo* sa bisan unsang disiplina, kon anaa man, kana moadto unta sa usa nga imong gipasanginlan sa pagpakasala—ikaw makakuha og bahin sa imong kaaway nga silot.

Tanang pagbugalbugal, panaway, o ‘kahiubus’ makamugna sa pinaka makalilisang nga disiplina ug pag-antos nga posible diha sa kinabuhi sa magtotoo. Kon ikaw nagbugalbugal sa daghang tawo diha sa kahimtang, ikaw makapasanay sa imong disiplina hangtod nga ang gibug-aton hapit dili na madaog pa. Kana mao sa kasagaran gitawag “nangayo ka niini.” Ang mga sala sa dila maoy tulo sa pito ka mga sala nga ang Dios nagsulti nga kasilagan (Mga Proberbio 6:16-19). Ang kinaugalingong-pagkamatarong nga miapil sa pagtaas sa imong kaugalingon isip usa ka ‘maghuhukum’ sa kanunay magsakit kanimo nga mas labaw pa kaysa pagsakit sa uban.

Tabitabi. Pagsulti og mga butang nga makapamenos, pagbulgar, mahimong usa ka tsismosa, makanunayong nagsulti og hunghungihong nga impormasyon, hilabi na gayud sa usa ka butang nga sekreto o makapakugang mahitungud sa usa ka tawo, mao ang tabitabi—usa ka kalapasan sa praybasi sa harianong pagkapari. Kon ang isig ka magtotoo makasala, ang iyang praybasi sa gihapon paga respetohon (Mateo 18:15).

Praybasi nagpasabut nga ikaw dili manghimantay (2 Mga Taga-Tesalonica 3:11-12), apan sa pagpuyo ug dili manghimantay.

Pagpuyo sa imong kinabuhi isip para sa Ginoo ug hatagi ang uban sa susamang pagrespeto. Ang kinabuhi sa uban dili ka manghilabot. Kon ikaw mohimo sa tabitabi, ikaw nagsakit lamang sa imong kaugalingon—ang disiplina sa Dios mahagbong diha nimo, dili sa biktima sa imong tabitabi. Apan kon, ikaw ang biktima sa tabitabi, ayaw sulayi sa pagpangatarungan sa imong kaugalingon; sa tinuud, ang pangatarungan maghimo sa hitabo nga mograbe. Pasagdi ang Ginoo nga maoy manimalus para kanimo. Ang katawhan sa kanunay magtoo kon unsay gusto nilang toohan. Kon ikaw naglakaw diha sa fellowship uban sa Ginoo ug nagkahamtong, unsay mahinungdanon mao ang unsay gihunahuna sa Ginoo, dili kon unsay gihunahuna sa katawhan ug gisulti.

Pagbuhat og Kontrobersiya. Tungud kay ang kaugalingon ra gihunahuna ug arogante nga mga magtotoo pakyas sa pagsulbad sa ilang mga panagbingkil diha sa ubang katawhan, sila moreklamo sa walay mga labot aron makakuha og pagdapig ug suporta. Mga asawa moreklamo mahitungud sa ilang mga bana ug binalibali; mga trabahante magbagulbul mahitungud sa ilang amo; sakup sa kongregasyon magpagawas sa ilang kasagmuyo ngadto sa ilang pastor. Kini nga mga tighimo sa kontrobersiya magmugna og panagbingkil kon sila mag-agni sa walay labot ug inosente nga mga tawo aron sa pag-apil batok sa tumong sa ilang kasilag ug kabangis.

Publikong Pagsugid. Pipila sa mga katawhan nagtoo nga ang kausaban magsugod uban sa dayag nga pagsugid sa mga sala—usa ka walay basehan nga gitooan og gisunud sa kinatibuk-ang kasaysayan. Publikong pagsugid mao ang ‘pagduslit og kalayo’ sa imong dila. Kini nagbutang sa konsepto sa imong sala ngadto sa panghunahuna sa tanan nga kinsa

nakadungog sa pagsugid. Publikong pagsugid makahimo sa usa ka reaksiyon sa panghunahuna nga mga sala sa kinaugalingong-pagkamatarong, pagtabitabi, o paghukum diha sa mga tigpaminaw. Mga publikong pag-angkon makapaabli pagbalik sa samad sa nabiktimang hingtungdan, magdahig sa naunang walay labot nga kaubanan, o nagbulgar sa mga sala hilabi na gayud sa malaw-ay ug makapakugang sa uban.

“Apan,” ikaw moingon, “pagsugid sa akong mga sala sa publiko makapaarang-arang sa akong gibati!” Ikaw siguro magtoo nga miarang-arang ang imong gibati nianang higayona, apan dili kini makapugong sa imong disiplina; sa tinuud, seryosong kadaot ang moresulta nga managsama diha kanimo ug sa laing mga magtotoo. Mao og nganong ang usa ka pastor dili gayud motugot ni bisan kinsa nga mobarog ug mosugid sa iyang mga sala ngadto sa uban.

Ikaw kinahanglan mokontrol sa pagdani nga mosugid sa mga sala ngadto ni bisan kinsa nalang. Ang mga sala maoy usa ka insulto sa Dios ug kinahanglan pagahinganlan lamang ngadto sa Dios diha sa praybasi sa imong kalag (Mga Salmo 51:4a). Ang Santiago kapitulo tres mao ang pinakamaayong gisulat nga mga pulong sa pagkontrol sa kaugalingon.

Kay kitang tanan madam-ag sa daghang *mga paagi*. Kon si bisan kinsa ang dili madam-ag sa unsa nga iyang gisulti [sala sa dila], siya maoy perpekto [o hamtong] nga tawo, makahimo usab sa pagkontrol sa tibuuk lawas. (Santiago 3:2)

Ikaw sa kanunay makabantay sa usa ka hamtong nga magtotoo. Siya dili gayud maghukum, magbugalbugal, o magtabitabi. Siya dili gilti sa sala sa ‘taas nga ilong.’ Siya mag-atiman lamang sa iyang kaugalingong kalihukan.

Kini maoy makalilisang palandungan ang kalaglagan nga ang tawhanong dila ang makaingong hinungdan. Pagkagamay

nga bahin sa atong kalawasan, apan kini bisan pa niana maka determinar sa agianan sa atong kinabuhi nga pagasubayon, ingon man usab sa pagguba sa kinabuhi sa uban. Ang mga kabayo pwedeng makontrol pinaagi sa mga brinda, mga barko pinaagi sa mga timon, ug bisan pa ang ihalas nga mga mananap mahimong paanaron. Apan ang bugtong paagi sa pag-anad sa tawhanong dila mao ang ubus sa pagkontrol sa Balaang Espiritu ug ang kinatas-ang gidaghanon sa doktrina sa Bibliya nga nagtuyok diha sa kalag ug gigamit sa matag panghitabo sa kinabuhi.

Karon kon kita mobutang sa mga brinda ngadto sa mga baba sa mga kabayo aron nga sila mahimong mosunud kanato [ug ilang buhaton], kita naggiya usab sa ilang tibuuk lawas. Tan-awa ug tutoki, ang mga barko usab, bisan pa sila hilabihan ka dako ug hampakon sa makusog nga hangin, sa gihapon giyahan pinaagi sa pinaka gamay nga timon, bisan asa man ang mahiligan sa piloto mao ang masunud. Mao usab ang dila maoy usa ka gamay nga parte sa atong lawas, ug *bisan pa niini* kini makapanghambog sa dakong mga butang. Tan-awa ug tutoki, unsa ka dako sa usa ka lasang nga gipasilaab pinaagi lamang sa usa ka gamay nga kalayo! (Santiago 3:3-5)

DAYAG NGA MGA SALA

Ang ikatulo nga lugar nga diin ikaw mapakyas nga ihikling ang sala mao ang dayag nga nilihokan. Pagpatay, pagpanapaw, paghuboghubog, ug pangawat maoy dayag nga mga kalihukan nga ang Bibliya naghingalan isip mga sala (Exodo 20:13-15, 17; Mga Taga-Roma 13:9). Ang klarong pagpadayon sa panghunahuna o pamaba nga mga sala, o pareha, makaresulta

sa pagbuhat sa usa ka butang nga ikaw nakahibalo nga makasakit sa uban. Imong kahadlok, kasilag, o pagbugalbugal mamahimong magkagrabe nga ikaw magtinguha sa pagpanimalus para sa pipila ka tinuud o gitoohan nga insulto o sayup. Ang imong pagpanimalus pwedeng maglambigit og dayag nga pagpangsamok o pangabuso.

Unya ikaw manumbag sa laing tawo diha sa ilong! Unsay imong nasulbad? Wala! Ang duha ka mga sayup dili mahimong sakto! Ikaw usa ka pakyas, naglibog nga magtotoo sa paghunahuna nga ang pangabuso makasulbad sa imong mga problema. Ikaw nagdala lamang og kaulaw ug disgrasya diha sa imong kaugalingon. Sa dihang ikaw modangop sa pagpanimalus nga mga taktika, imong gipahinungod ang imong kaugalingon ngadto sa walay katapusang disiplina ug pag-antos. Ikaw pakyas aron sa pagpamunga para sa Ginoo ug busa ikaw pakyas sa pagtuman sa katuyoan nga diin ikaw nagpabilin niini nga kinabuhi—sa pagpadayon ngadto sa taas nga hawanan sa labing dakong grasya.

Padayon sa Pag-abante

Ug paabante sa pagkab-ot kun unsa ang *anaa* nag-una, Ako miasdang ngadto paingon sa katuyoan para sa ganti sa kahitas-ang tawag sa Dios diha ni Kristo Jesus [mga ganti ug mga dekorasyon sa eternidad]. (Mga Taga-Filipos 3:13b-14)

Ang katuyoan sa Dios para sa matag magtotoo mao ang pag-abante paingon sa pagkahamtong ug sa labing dako nga

grasya sa kinabuhi.²¹ Ang Dios naghimo og grasyahanong probisyon para sa pagkab-ot niini nga katuyoan pinaagi sa gasa sa pastor-magtutudlo kinsa magsulti sa doktrina sa Bibliya ug sa kabubut-on sa magtotoo kinsa nagtoon sa doktrina pinaagi sa pagpuno ug pagtudlo sa Dios nga Balaang Espiritu. Kini mao ang kalihukan sa *grasyahanong aparato sa panabut*.²²

Kita dili magpabilin sa pagbarog diha sa Kristohanong kinabuhi; kita mahimong mouswag o mahimong mous-us. Ang gikusgon nga diin kita moabante o moatras nagdepende sa atong kamakanunayon o kapakyas sa pagkat-on ug paggamit sa doktrina sa Bibliya. Kon atong matuman ang katuyoan sa espirituhanong pagkahamtong, kita mahimong usa ka mananaog diha sa espirituhanong kinabuhi ug usa ka saksi para ni Ginoong Jesu-Kristo diha sa anghelanong away.²³

PAGPAKYAS SA GRASYA SA DIOS

Siguroha kini [*episkopeo*] nga walay bisan usa

21. Labing dakong grasya mao ang kahimtang sa espirituhanong pagkahamtong nga diin ang normal nga paglihok sa Kristohanong kinabuhi ug divine nga kamaayo magsugod. Kini mao ang “mas dako nga grasya” sa Santiago 4:6, ang lugar sa paggamit sa grasya bisan pa sa kalisdanan o kaharuhay. Gihulagway pinaagi sa espirituwal ug materyal nga mga panalangin, kini mao ang dalan sa paghimaya sa Dios para sa magtotoo kinsa adunay pinakataas nga doktrina diha sa iyang kalag. Tan-awa ang Thieme, *Follow the Colors* (2002).

22 Grasyahanong Aparato sa Panabut (GAP) maoy usa ka nonmeritorious nga sistema sa espirituhanong pagsabut nga gigamhan pinaagi sa pagpuno sa Balaang Espiritu nga naghimo sa matag magtotoo nga makasabut, makahibalo, ug makagamit sa tibuuk ginsakpan sa doktrina sa Bibliya, dili igsapayan ang edukasyon o tawhanong IQ. Tan-awa sa Thieme, *Reversionism*, 3-7.

23 Ang anghelanong away mao ang dili makitang espirituwal nga panaggubat tali sa kahugpongan ni Satanang ug sa kahugpongan sa Dios. Si Satanang miagni sa usa sa tulo ka bahin sa mga anghel ug midagkot niini nga sa wala-pang-kasaysayan nga pagrebelde, ug misunud dayon nga sila gikasuhan ug gisilotan paingon sa linaw nga kalayo (Mateo 25:41). Si Satanang miapelar niini nga paghukom ug tungud sa grasya, ang Dios nagbuhat sa tawhanong kaliwatan aron sa pagresolbar niini nga karaang away nga nagpadayon isip espirituwal nga pakiggubat sa tawhanong kasaysayan. Tan-awa sa Thieme, *Satan and Demonism* (1996).

ang dili makaabut [*hustereo*] sa grasya sa Dios; nga walay gamut sa kapaitan ang moturok [*phuo*] og maoy hinungdan sa kasamok [*enochleo*], ug tungud niana daghan ang mahugawan. (Mga Hebreohanon 12:15)

Hustereo, wala makaabut sa grasya sa Dios, adunay daghang mga pasabot: “wala makaabut, wala kaabut sa sukdanan, pag-atras, naulahi sa.” Sa laing pagkasulti, *hustereo* nagpaila og pagbalibad sa pagpahimulus sa imong kaugalingon sa grasya nga mga probisyon para sa pag-uswag sa espirituhanong pagkahamtong. Ikaw nagpakyas sa grasya sa Dios, apan ang grasya sa Dios dili gayud magpakyas kanimo. Ang Iyang grasya dili mausab! Ang katuyoan sa Kristohanong kinabuhi ug ang tumong para nga ikaw nagpabilin pa dinhi niining kalibutan mao ang paggamit sa grasya sa Dios.

Kon ikaw mogamit sa rebound nga paagi, ang Dios naggamit sa susamang prinsipyo sa kapasayloan nga nagtangtang sa imong mga sala sa higayon sa kaluwasan. Kon imong isugid ang imong mga sala sa Dios, Siya maloloy-ong magpasaylo ug maglimpyo kanimo gikan sa tanang kasaypanan. Ang imong mga sala gipapas na (Isaias 44:22); ikaw nahibalik ngadto sa ubus nga lingin ug napuno pinaagi sa Espiritu. Ikaw wala makakuha sa kapasayloan sa higayon sa kaluwasan ug ikaw dili makakuha sa kapasayloan pagkahuman. Aron maangkon ang kalipay, kalinaw, panalangin, kasadya, ug gahum nga ang Dios naghatag aron magamit sa tanang mga magtotoo, ikaw kinahanglan nga unahon sa pag-angkon ang Iyang grasya diha sa rebound.

Kon ikaw naghunahuna nga ikaw makatabang sa Dios sa pagpapas sa imong mga sala pinaagi sa pag-usab sa imong nilihokan pinaagi sa pipila ka mga matang sa pag-usab sa pamatasan, o ‘pagbangutan sulud sa aparador,’ o pagsulay sa pagbuhat og pipila ka makapabayaw o emosyonal nga

kasinatian, o pagpuasa ug pag-ampo, o pinaagi sa pipila ka sistema sa maayong mga buhat o paghatag, o tungud kay ikaw ‘santo’ o mogamit sa ‘santos’ nga pinulongan, nan imong gipakyas ang grasya sa Dios. Ang tanan nga tawhanong mga buhat maoy sukwahi sa grasya ug dili gayud makatangtang sa kaalaotan sa imong kapakyasan. Ang pinakalisud nga isyu para sa pipila ka ninyo nga masabtan mao nga ang Dios *nagpasaylo* kanimo ug *nagpapas* sa imong mga sala dihadhiha kon ikaw naghingalan o nagsulti kanila ngadto Kaniya. Ang rebound nga pamaagi maoy pinakadali—ang grasya sa Dios naglihok!

Ang pinulongang Griyego nga *phuo*, “miturok,” mismong nagpasabut “paggitib diha sa hunahuna.” Aron ang bisan unsang butang mogitib, una sa tanan kinahanglan nga anaay liso. Ug unsay kinahanglang buhaton sa liso sa dili pa kini makagitib? Mamatay! Kon ikaw maghinumdum sa usa ka sala nga patay ug gilubong, gipasaylo ug gikalimtan, ikaw nag-amuma sa “gamut” sa kapaitan. Ang gamut gikan sa patay nga liso motubo paingon sa ilalum ug mogitib ang udlot paingon sa taas. Unsa ang imong angay buhaton niadtong mga gitib? Gikan sa imong mapait nga kalag mogamut ang usa ka malaglagong kadena sa panghunahuna, pamaba, ug dayag nga mga sala nga magresulta sa mas labaw pa nga kaalaotan ug disiplina. Ang imong disiplina karon dili para sa sala nga patay na, apan para sa mga gitib nga migawas: kapaitan, tabitabi, pagbugalbugal, panimalus, pagsinamok, nagtinguha og kadaot sa uban, paghingilin.

Ang present active subjunctive sa *enochleo*, “kasamok,” nagpaila nga imong gitugotan ang imong kalabera aron sa kanunay magsamok kanimo. Ang dili malikayan nga gamut sa kapaitan diha sa imong kalag maoy hinungdan nga ang uban mahugawan pinaagi sa ‘Operasyon Fallout.’ Kun ugaling ikaw pakyas aron ihikling ang imong sala, ang mga sangputanan dili mohunong uban nimo. Ang imong kapakyasan mokuyanap, mokatag sa matag usa nga nakapalibot nimo. Dili lamang kay miserable ka, apan ikaw ang hinungdan sa kaalaotan niadtong

si kinsa nga ikaw nakig-uban. Ikaw ang hinungdan nga ang uban nahimong mapait; ikaw makahimo og panimalus nga kalihukan; ikaw makaimpluwensiya sa ubang tawo nga mahimong mga tabian ug bugalbugalon; ikaw makasugod og emosyonalismo, guilt complex, ug pagkastigo sa kaugalingon. Ikaw dili lamang magbugaw sa katawhan palayo gikan kanimo, apan ikaw magbugaw sa katawhan palayo gikan sa Ginoo ug sa Iyang Pulong. Kon ikaw magtugot niini nga matang sa karnalidad, ikaw sa kanunay magpasakit sa katawhan nga imong gihigugma sa hilabihan.

Hinoon, adunay usa ka dan-ag sa kahayag! Ang subjunctive mood sa *enochleo* maoy potensiyal, nga nagkahulugan ang kapaitan dili kinahanglan nga makasamok kanimo, kon ikaw magsugid sa imong sala ug kalimtan kini. Mga Hebreohanon 12:15 nagmando kanimo sa paghikalimot sa imong kalabera sa aparador. Ilabay kini nga diin ang Dios humana nagkuha niini.

“Susama kalayo sa sidlakan nga nagagikan
sa kasadpan,
Ingon usab kalayo nga Siya magawagtang sa
atong mga kalapasan nga gikan kanato.”
(Mga Salmo 103:12)

Ikaw dili na kinahanglan molingi pa!

Pag-usisa sa Imong-kaugalingon

Karon tan-awa ang unang tulo ka mga pulong sa Mga Hebreohanon 12:15. “Siguroa kini” maoy usa ka pulongan sa panghunahuna. Ang present active participle sa *episkopeo*—“kanunaya sa paglantaw niini,” nagpasabut “ayaw itago diha sa imong kaugalingon,” “sa pag-usisa sa imong kaugalingon kanunay.” Unsa ang kinahanglan nimong usisahon? Nga ikaw dili magtugot sa sala nga motaas. Pangutan-a ang imong

kaugalingon, “Aduna ba akoy usa ka guilt complex mahitungud sa akong sala? Kanunay ba akong naghunahuna mahitungud niini? Kanunay ba akong nagbanhaw sa sitwasyon? Masagmuyo ba ako ug maglambigit sa milabay na nga sala sa matag kalisud sa akong kinabuhi? Ako ba mapait? Gusto ba nako nga magpasuul sa tiyan sa matag usa tungud kay kini makahimo kanako nga maarang-arang ang gibati? Gusto ba nako nga manimalus? Makapalipay ba kini kanako nga motan-aw sa usa ka tawo nga magkamang kinsa nakasala kanako?” Kon mao man gani, ikaw nagpakyas sa grasya sa Dios.

Ang Bibliya napuno sa kahibulungang mga doktrina, apan ikaw dili makasabut niini kon imong tugotan bisan usa lamang ka sala sa imong kinabuhi nga maoy basehan sa daghang mga sala. Ang Bibliya nagsulud sa tanang mga prinsipyo sa kinahiladmang kalipay, kalinaw, ug kasadya, apan ikaw dili gayud makasinati nila gawas kon imong ihikling ang imohang mga sala. Kon ikaw magbuhat sa usa ka ‘pangtapak’ sa imong karaang mga sala ug magbasol sa tanan nga lain nimong mga kahuyang, mga kapakyasan, ug mga kalisdanan ngadto kanila, ikaw sa hingpit nahimulag sa kamatuuran. Ubus sa perpetuwal nga disiplina ikaw sa kanunay matingala, “Ngano man kini nahitabo ngari kanako?” Ikaw maghunahuna nga ikaw gilabyan sa kapalaran. Ikaw maghunahuna nga walay bisan usa ang makasabut!

Apan ayaw pagpakawala sa paglaum! Ang Bibliya nakasabut kanimo tungud kay ang Bibliya mao ang “hunahuna ni Kristo” (1 Mga Taga-Corinto 2:16). Pareha ra nga ang Ginoo nag-ingon, “Dili sa ingon nga walay bisan usa ang nakasabut kanimo—ikaw wala makasabut Kanako o sa Akong Pulong! Ikaw walay konsepto sa Akong grasya! Ikaw naghunahuna nga ang imong disiplina mao ang para sa pipila ka butang nga imong nahimo sa una pa. Oh, dili! Kini mao ang disiplina para sa pipila ka butang nga imong gihimo pagkakaran—para sa usa ka panghunahuna nga sala; para sa usa ka sala sa dila; para sa buhat sa panimalus.”

Ikaw usa ka espirituhanong ‘humpty-dumpty’ nga nahagbong sa pader sa grasya sa Dios! Kon dili nimo ihikling ang usa ka nasugid nga sala pinaagi sa pagtoo-pahulay nga pamaagi, ang imong kinabuhi mapinopino ug ikaw nagpahiluna sa lingkuranan sa walay katapusang makina sa kaalaotan. Ikaw dili makapasangil para sa imong kaalaotan ug sayup nga mga desisyon ngadto sa uban. Ang yawa dili maggukod kanimo! *Ikaw* ang ‘halimaw’ nga naggukod sa imong kaugalingon!

Apan, samtang ikaw buhi pa, kini dili pa gayud ulahi sa pagrebound ug ihikling ang imong mga sala. Ang panahon sa pagsugod mao karon! Kon ang usa ka sala mamatay pinaagi sa pagsugid, ang Balaang Espiritu dihaduha magkontrolar sa imong kalag; ang Dios maghulip, ikaw makahimo na sa pagbuhat sa divine nga kamaayo. Balik sa fellowship ikaw adunay usa ka lahi nga matang sa paggitib. Ikaw adunay usa ka bag-o nga panghunahuna sa pagpasensiya, kamauyonon, impersonal nga gugma.²⁴ Ikaw dili masuko sa uban; ikaw makalma; ikaw magpuyo ug dili manghilabot sa uban.

Bisan unsa man ang imong nabuhat sa miaagi, ikaw dili pwedeng mobalik ug isugod sa kinaunahan. Apan wala kini magpasabut nga pwede tablahon ang imong obligasyon! Kon ikaw adunay mga utang, kini imong responsibilidad sa pagbayad kanila. Ubus sa pagpuno sa Balaang Espiritu ikaw makahimo sa pagtuman sa imong responsibilidad nga dili malunod sa bisan unsa nga milabay na nga mga sala og may kalambigitan sa imong kapakyasan. Sugod karon ikaw makahimo sa paghunong pagtan-aw og balik ug padayon sa pag-abante. Ikaw makahimo

24. Impersonal nga gugma mao ang makanunayong paglihok sa kada usa nga integridad ngadto sa mga higala, mga kaaway, mga minahal, mga estranghero—usa ka dili-emosyonal, dili-kondisyonal nga pag-ila para sa tibuuk katawhang kaliwatan nga wala manginahan-glan sa pagkasuud, panaghigala, kama-danihon, o bisan kaila uban ang tukmang tumong sa gugma. Impersonal nga gugma nagagikan sa kaligdong sa nagbuhat nga natukod tungud sa doktrina sa Bibliya ug personal nga gugma para sa Dios nga Amahan, dili tungud sa kaambungan o merito sa tumong sa gugma. Tan-awa sa Thieme, *Christian Integrity* (2002), 31-33; *Freedom through Military Victory* (2003), 75-76.

sa paglihok ubus sa GAP, pag-uswag paingon sa espirituhanong pagkahamtong, ug makahimo sa divine nga kamaayo. Karon, ikaw makasugod na sa pag-angkon sa kalipay, kalinaw, kalig-on, ug kahiladmang katahum nga ang Dios nagdisenyo para kanimo.

Matag mananaog nga magtotoo diha sa Bibliya nakasala o napakyas sa pipila ka higayon sa iyang kinabuhi. Walay bayani sa Bibliya nga wala mapakyas. Apan unsa ang ilang gibuhāt: milingkod ba ug mihilak tungud adto? Sila wala gayud! Sila nagsugid niadto, ug nagpadayon sa pag-abante. Sila bantugan tungud kay ilang gihikling ang ilang mga sala. Sila wala molingi; sila wala maghinumdum. Isip usa ka resulta, sa diha nga ang pag-antos miabut diha kanila, sila nasayod nga kadto mao ang pag-antos para sa panalangin nga gikan sa Ginoo (Mga Salmo 119:67). Bisan pa sila anaa sa pag-antos o kaharuhay, sila adunay kinahiladmang kalipay. Ngano? Tungud kay sila anaa sa fellowship, ug sila nag-uswag diha sa ilang espirituhanong mga kinabuhi.

Kitang tanan adunay igong gidaghanon sa kabug-at, kalisud, pagsulay, sakit sa kasingkasing, ug kalisdanan. Sa tinuud lang, ang espirituhanong pagkahamtong mapakusog pinaagi sa pag-antos ug kalisud. Sama ra sa pisikal nga kaunuran mapalig-on ubus sa kabug-at, busa ang espirituhanong kaunuran mapasaka ubus sa kalisdanan. Sa katapusan, tanan nga pag-antos maoy para sa imong panalangin, apan ang pag-antos para sa disiplina maoy gidisenyo para sa imong koreksiyon. Kon ikaw nag-antos para sa disiplina, nan ikaw kinahanglan magasusi sa imong kinabuhi ug mangutana, “Diin ako napakyas? Unsa ang kasal-anan? Unsa ang akong kinahanglan isugid?” Kon imong mahibaloan ug isugid ang maong sala, ang imong listahan malimpyo. Kon ang pag-antos magpadayon, kini dili na para sa koreksiyon, apan para sa panalangin. Unsaon man sa Dios paghimo niana? Grasya!

Tanang butang nga imong nabuhat nga bililhon—bisan unsang butang nga pagaisipon nga dako, o isip kadaugan, o

isip pagpasidungog sa Ginoo—kini dili tungud og kun kinsa ka, apan tungud kun kinsa Siya ug unsa ang Iyang gihatag. Tungud kay Siya naghatag sa kapasayloan ug nagpapas sa imong mga sala, ngano man ikaw dili makalimot kanila? Ihikling ang imong mga sala ug padayon sa pag-abante!

ANG KATUYOAN PARA SA IMONG KINABUHI

Ang tumong niini nga mensahe dili ang sa pagdiskurahi kanimo, apan sa pagpukaw kanimo sa kamatuuran. Sa pagkawalay kalinaw, kalipay, ug panalangin diha sa imong Kristohanong kinabuhi tungud kay ikaw nagpakyas sa grasya sa Dios maoy usa ka trahedyas. Ang grasya sa Dios dili gayud magpakyas kanimo! Ikaw nagpabiling buhi—ang Dios aduna pay usa ka katuyoan para sa imong kinabuhi! Siya gusto nga ikaw makaangkon sa mga panalangin, kinahiladmang kalinaw, kalipay, ug abut nga madawat sa eternidad.

Ang tanang mga panalangin nga gidisenyo sa Dios para kanimo maoy potensiyal pinaagi sa imong posisyon diha sa taas nga lingin sa paghiusa uban ni Kristo, apan sila matinuud lamang diha sa ubus nga lingin sa temporaryong fellowship. Ang imong katakus para sa panalangin nagdepende diha sa imong abilidad sa pagpabilin sa fellowship pinaagi sa paghikling sa mga sala, imong paggamit sa pagtoo-pahulay, imong batasan mahitungud sa doktrina sa Bibliya, ug imong pagtubo paingon sa espirituhanong pagkahamtong. Doktrina nga nagpuyo sa imong kalag mahimo nga “kopa” nga diin ang Dios maghuwad sa Iyang panalangin (Mga Salmo 23:5b).

Ang imong abut diha sa Kristohanong kinabuhi mahitabo lamang samtang ikaw anaa diha sa ubus nga lingin. Kon ang kinaiyang makasasala mao ang nagkontrolar sa imong kinabuhi, wala sa imong gibuhay ang madawat sa Dios. Bisan unsa nga tawhanong binuhatan nga namugna pinaagi sa kinaiyang makasasala maoy tawhanong kamaayo ug kinatibuk-ang dili

gayud madawat sa Dios (Jeremiah 17:9; Mga Hebreohanon 6:1). Ang bugtong tuburan sa divine nga kamaayo mao ang ministryo sa Balaang Espiritu, ug ang Balaang Espiritu magbunga diha sa imong kinabuhi lamang samtang ikaw anaa sa kahimtang sa espirituwalidad. Kon ikaw pakyas sa pagpahimutang sa grasya sa Dios, imong ‘giyam-iran’ ang Balaang Espiritu; imong gipaantos ug gibugnaw Siya (Mga Taga-Efeso 4:30; 1 Mga Taga-Tesalonica 5:19). Siya natanggong diha sa suuk nga diin Siya dili makabunga diha sa imong kinabuhi. Ikaw dili gayud makasilbi ni Jesu-Kristo, kalihukan sa imong pagkapari, pagtuman sa imong pagkaembahador, o saksi para ni Kristo gawas lamang kon imong gamiton ang grasya sa Dios.

Busa ang isyu diha sa imong espirituhanong kinabuhi mao ang “Unsa nga balaod ang imong alagaran?” Aron alagaran ang balaod sa karnalidad pinaagi sa kapakyasan nga ihikling ang imong mga sala, magdagkot sa usa ka sala ngadto sa laing sala, makapaugdaw sa imong kinabuhi, ingon man usab kadtong nagpalibot kanimo. Aron alagaran ang balaod sa espirituwalidad pinaagi sa rebound, naghikling sa sala ug nagumento diha sa imong espirituhanong kinabuhi nagpasabut nga dili lamang aron sa pagdawat sa panalangin gikan sa Dios, apan aron mahimong usa ka saksi para sa Iyang perpekto nga plano. Diha sa imong palibot, adunay usa nga nagkinahanglan ni Kristo, usa ka tawo nga naghulat sa pagtan-aw sa gahum, kalig-on, kalinaw, ug kalipay nga imong maangkon diha sa kalisdanan o kaharuhay; usa ka tawo nga naghulat para sa usa ka demonstrasyon sa mga paggahum sa Dios nga Balaang Espiritu diha sa imong kinabuhi.

ANG ISYU SA KALUWASAN

Kini nga mensahe para lamang sa mga magtotoo diha ni Jesu-Kristo. Apan, basin ikaw wala pa makahimo sa pinaka importante sa tanang mga desisyon. Ang Ginoong Jesu-Kristo

nagpas-an sa matag sala nga imoha nang nabuhat o mabuhat pa diha sa Iyang kaugalingong lawas didto sa krus (1 Pedro 2:24). Karon, wala nay babag tali kanimo ug sa Dios—dili gani bisan ang sala—bugtong ang imong pagsalikway ni Ginoong Jesu-Kristo.

Ikaw makabaton sa kinabuhing waykatapusan karon dayon tungud kay ang Dios nga Anak naghatag sa kaluwasan. “Bisan kinsa ang nagtoo diha Kaniya makaangkon sa kinabuhing waykatapusan” (Juan 3:15). Sama ra usab sa pagsugid, busa bugtong pagtoo diha ni Kristo lamang mao ang nonmeritorious.

Kay tungud sa grasya ikaw naluwas pinaagi sa pagtoo; ug kana [kaluwasan] dili sa inyong-mga-kaugalingon, *kini mao* ang gasa sa Dios; dili isip usa ka resulta sa mga binuhatan, aron walay bisan usa nga makapasigarbo. (Mga Taga-Efeso 2:8-9)

Pinaagi sa usa ka yanong pagtoo diha ni Jesu-Kristo, ikaw mahimong matawo pag-usab; ikaw pwede mahimong usa ka anak sa Dios ug usa ka myembro sa Iyang harianong pamilya sa kahangturan. Kini ang imoha para sa pagkuha. Si Jesus nag-ingon,

“Duul ngari Kanako, ang tanan kinsa naluya ug nabug-atan, ug Ako maghatag kaninyo sa pahulay.” (Mateo 11:28)

“Ang usa kinsa moduul Kanako Ako sa tinud-anay dili moabog.” (Juan 6:37*b*)

Kini mao ang imong kahigayonan. Bisan asa kaman karon, ikaw makahimo sa usa ka hilum nga pag-ampo: “Amahan, ako nagatoo diha ni Jesu-Kristo. Ako nagadawat Kaniya isip akong Manluluwas.” Mao kana ang higayon sa imong waykatapusang kaluwasan.

Ang alternatibo maoy tataw nga nahisulat diha sa Kasulatan.

“Siya nga nagtoo diha sa Anak may kinabuhi nga waykatapusan; apan siya nga wala misunud [pinaagi sa pagtoo] sa Anak dili makakita sa kinabuhi, hinoon nagapabilin ang kaligutgut sa Dios diha kaniya.” (Juan 3:36)

DOKTRINA SA REBOUND

- I. Rebound mao ang grasya nga probisyon para sa karnal nga magtotoo aron mahibalik ang pagpuno sa Balaang Espiritu (Mga Proberbio 1:23; Mga Taga-Efeso 5:14; cf. Mga Taga-Efeso 5:18) pinaagi sa paghingalan sa human-sa-kaluwasan nga mga sala sa pribadong paagi ngadto sa Dios nga Amahan (1 Mga Taga-Corinto 11:28, 31; 1 Juan 1:9); ang paagi sa pagbalik sa fellowship sa magtotoo uban ang Dios aron mapadayon ang espirituhanong kinabuhi.
- II. Ang basehanan para sa kapasayloan sa human-sa-kaluwasan nga mga sala mao ang buhat sa mapulihong kamatayon ni Kristo didto sa krus nga diin ang pagkamatarong ug hustisya sa Dios nga Amahan natagbaw sa dihang ang tanan nga mga sala sa tawhanong kaliwatan giimpyut ngadto Kaniya ug gihukman (2 Mga Taga-Corinto 5:21; 1 Pedro 2:24; 1 Juan 1:7b; 2:2; 4:10). Base niini nga walay-kinutoban nga pagpakig-uli ug pagpuypuy, ang Dios matinud-anong naghimo sa susamang desisyon aron pagpasaylo ug aron paghinlo kanato sa matag higayon nga atong

gamiton ang rebound nga paagi.

- III. Waykatapusang seguridad (Mga Taga-Roma 8:38-39) maoy usa sa gikinahanglan daan aron masabtan ang rebound nga paagi: Ang magtotoo makasala pagkahuman sa kaluwasan, apan ang maong sala mao ang karnalidad, dili ang pagkawagtang sa kaluwasan (1 Mga Taga-Corinto 3:1-3; 1 Juan 1:8, 10).
- IV. Pareho ang karnalidad ug rebersiyonismo maoy mga resulta sa pagtugot sa tentasyon sa kinaiyang makasasala ug pagbalibad o pagsalikway sa rebound nga paagi.
- V. Rebound nagalihok diha sa kahimtang sa karnalidad tungud sa unibersal nga pagkapari sa magtotoo. Matag magtotoo diha sa Kapanahonan sa Simbahan nagrepresentar sa iyang-kaugalingon diha sa Dios ug kinahanglan sa personal nagsulti sa iyang kaugalingong mga sala ngadto sa Dios (1 Pedro 2:5, 9; Pinadayag 1:6; 5:10).
- VI. Ang mekanika sa rebound nga paagi: isugid (1 Juan 1:9); ihikling (Mga Hebreohanon 12:15); ug padayon sa pag-abante (Mga Taga-Filipos 3:13-14).
- VII. Kon ang mga binuhatan, pagpahiuli, o emosyonal nga mga reaksiyon sama sa nagmasulub-on para sa mga sala maoy gidugang ngadto sa rebound nga paagi, ang kapasayloan maoy giwagtang.
- VIII. Walay espirituwalidad o espirituhanong kinabuhi kun wala ang rebound.
- IX. Bibliyanhong mga kapulong para sa rebound.
 - A. "Isugid," isulti, o hinganli (1 Juan 1:9).
 - B. "Paghukum sa atoang-mga-kaugalingon" (1 Mga Taga-Corinto 11:31).
 - C. "Ihatag ang inyohang-mga-kaugalingon" (Mga Taga-Roma 6:13; 12:1).
 - D. "Ipadaplin ang matag babag" (Mga Hebreohanon 12:1).
 - E. "Pagatahora ang Amahan" (Mga Hebreohanon 12:9).

- F. “Tul-ira ang mga agianan” (Mateo 3:3; Mga Hebreohanon 12:13).
- G. “Bangon gikan sa pagkamatay,” o sa literal “barog pagbalik gikan sa mga kamatayon” (Mga Taga-Efeso 5:14).
- H. “Ipadaplin ang karaang kaugalingon” (Mga Taga-Efeso 4:22).
- I. “Pag-ila sa imong kasaypanan” (Jeremiah 3:13).
- X. Rebound kinahanglan nga pagasabton diha sa landag sa relasyon uban sa Dios ug diha sa landag sa posisyonal nga kamatuuran (Mga Taga-Roma 8:1).
- XI. Mga alternatibo sa rebound: divine nga disiplina ug kaugalingong-tinuyoang kaalaotan (1 Mga Taga-Corinto 11:31; Mga Hebreohanon 12:6).
- XII. Mga palinga sa rebound: legalismo ug ang impluwensiya sa ubang karnal nga mga Kristohanon (Lucas 15:11-32).
- XIII. Pagdasig sa ubang mga magtotoo aron morebound.
 - A. Kinabuhia ang espirituhanong kinabuhi diha sa pulong ug buhat.
 - B. Hatagi ang napakyas nga mga magtotoo sa praybasi sa paggamit sa ilang harianong pagkapari atubangan sa Ginoo; ayaw duula sa kaarogante og kaugalingong-pagkamatarong aron sa pagbadlong o pabati og pagkasad-an diha kanila (Mga Taga-Galacia 6:1).
 - C. Ang usa ka panghunahuna sa kamaloloy-on ug impersonal nga gugma nga nagpasaylo kanila kinsa nakalapas kanimo (Mateo 18:23-35; Mga Taga-Colosas 3:13).
 - D. Ganti sa pagdasig sa uban (Santiago 5:19-20).
- XIV. Karaang Kasulatan nga mga kamandoan sa rebound (Mga Salmo 32:5; 38:18; 51:3-4; Mga Proberbio 28:13; Jeremiah 3:13a).

DOKTRINA SA DIVINE NGA DISIPLINA

- I. Divine nga disiplina mao ang kinatibuk-an sa pagpahamtang sa silot nga mga sukdanan nga diin ang Dios magsilot, magtul-id, magdasig, magbansay, ug magmotibar sa magtotoo aron pag-usab sa iyang panghunahuna ug magdala kaniya ngadto sa punto sa rebound o pagbakwi gikan sa pagsukwahi (Mga Hebreohanon 12:5).
 - A. Disiplina mao ang alternatibo sa panalangin.
 - B. Disiplina mao ang gikan sa gugma sa Dios (Mga Hebreohanon 12:6; Pinadayag 3:19).
- II. Divine nga disiplina kinahanglan nga lainon gikan sa balaod sa kinabubut-ong responsibilidad uban sa iyang kinaugalingong-pag-imposar, kinaugalingong-pagpahamtang, ug kinaugalingong-pagpatuyang nga mga matang sa kaalaotan. Samtang ang Dios mao ang tuburan sa disiplina, tawhanong kabubut-on mao ang tuburan sa pag-antos ubus sa balaod sa kinabubut-ong responsibilidad.
- III. Duha ka mga hinungdan para sa divine nga disiplina nga

anaa diha sa bahin dos: karnalidad ug rebersiyonismo.

- A. Disiplina para sa karnalidad maoy temporaryo ug mabalhin ngadto sa panalangin pinaagi sa rebound nga paagi.
 - B. Disiplina para sa rebersiyonismo maoy magasaka ang gikusgon ug mawagtang pinaagi sa sala ngadto sa kamatayon gawas kon ang pagbawi pinaagi sa rebound mahitabo.
- IV. Divine nga disiplina, dili igsapayan kun unsa gikusgon, wala magpasabut sa pagkawagtang sa kaluwasan (Mga Taga-Galacia 3:26; 2 Timoteo 2:11-13).
- V. Kon ang magtotoo mirebound ug ang pag-antos sa disiplina wala gayud natangtang o nawala, nan ang pag-antos nagpadayon isip usa ka panalangin kaysa pagsilot (Job 5:17-18).

	DIVINE NGA DISIPLINA	PAG-ANTOS PARA SA PANALANGIN
ISYU	Sala	Grasya
KAHIMTANG	Garbo	Kamahiubsanon
PAG-ANTOS	Dili-maagwanta	Maagwanta
SOLUSYON	Rebound	Pagtoo-Pahulay
RESULTA	Pagtunglo nga Mahimong Panalangin	Pagbuylo sa Espirituhanong Pagtubo

- VI. Tanang divine nga disiplina mao ang natanggong sa panahon. Didto sa lingkuran sa paghukum ni Kristo, diin ang abut sa magtotoo pagasusihon, adunay pipila ka pagkaulaw para sa mga pildiro (1 Juan 2:28). Walay disiplina para sa magtotoo sa eternidad (Pinadayag 21:4).
- VII. Tinulo-nga-dinugtong nga disiplina inubanan sa kinaugalingong-pagpahamtang nga kaalaotan og may divine nga paghukum.

- A. Ang panghunahuna nga mga sala nga nagpadasig sa mga sala sa dila maoy tumong sa divine nga disiplina.
 - B. Kini nga mga sala sa dila mao ang basehanan para sa padayong pagpahamtang sa silot nga gikan sa Dios (Mateo 7:1).
 - C. Bisan unsa nga disiplina para sa mga sala nga gipasangil ngadto sa biktima sa mga sala sa dila maoy idugang usab ngadto sa tigdaot (Mateo 7:2).
- VIII. Adunay tulo ka mga hugna sa disiplina para sa rebersiyonismo.
- A. Ang pasidaan nga hugna—ang Dios nagbarog diha sa pultahan, nagtuktuk (Santiago 5:9; Pinadayag 3:20). Kini mao ang kadaghanan nga kategoriya sa divine nga disiplina nga nagpakita sa magtotoo nga siya karnal ug nahimulag sa kamatuuran. Ang disiplina sa magtotoo gidisenyo aron sa pagdala niya og balik ngadto sa reyalidad aron nga siya makatubo diha sa grasya. Pasidaan nga disiplina mahimong tangtanganon pinaagi sa paggamit sa rebound nga paagi ug ipadayon ang espirituhanong kinabuhi.
 - B. Ang gipakusgan nga hugna—ang magtotoo anaa sa kahimtang sa hilabihan nga pagkalinga (Mga Salmo 38:1-14). Imbis nga sulbaron ang problema pinaagi sa rebound, ang magtotoo nagkubkub palalum pinaagi sa pagpatong sa sayup nga desisyon ngadto sa sayup nga desisyon, sayup nga panghunahuna ngadto sa sayup nga pagdasig, tanan niini magresulta sa sayup nga mga lihok. Ang gipakusgan nga disiplina naglangkub sa pagkawala sa kalagsik ug laing talagsaong mga hinungdan. Pagbakwi nagkinahanglan sa rebound, paghikling sa sala, ug usa ka konsentrasyon diha sa doktrina.
 - C. Ang pagkamatay nga hugna o ang sala paingon sa kamatayon—pinakataas nga divine nga disiplina mao

ang ipahamtang ngadtosang magtotoongang ebersiyonista kinsa mamatay nga wala makabenipisyo sa grasyang pagkamatay (Mga Salmo 118:17-18; Jeremiah 9:13-16; Mga Buhat 5:1-10; Mga Taga-Filipos 3:18-19; 1 Juan 5:16; Pinadayag 3:16).

Timan-anan sa Balaang Kasulatan

KARAANG KASULATAN

GENESIS	103:12.....	30
5:3.....	118:17-18.....	44
	119:67.....	33
EXODO		
20:13-15	MGA PROBERBIO	
20:17.....	1:23.....	38
	6:16-19	22
JOB	28:13.....	40
5:17-18		
10:1.....	ISAIAS	
	30:18.....	16
MGA SALMO	64:6.....	3
5:9.....		
23:5.....	JEREMIAH	
32:5.....	3:13.....	40
37:7.....	9:13-16	44
38:1-14	17:9.....	35
38:18.....		
51:3-4	MGA PAGBANGUTAN	
51:4.....	3:33.....	8

BAG-ONG KASULATAN

MATEO

3:3.....	40
5:17.....	10
7:1.....	21,43
7:2	21,22,43
11:28	36
18:15	22
18:23-25	40
25:41	27

LUCAS

15:11-32.....	40
---------------	----

JUAN

3:3.....	7
3:15.....	7,36
3:36	37
6:37	36
8:7	1
12:31	2
14:26	11
14:30	2
16:13	11
17:17	5

MGA BUHAT

5:1-10	44
8:23.....	19
16:31.....	4

MGA TAGA-ROMA

3:23.....	1
4:3.....	5
5:12.....	3,7
5:18.....	7
6:1-4	5
6:6.....	3,5
6:12.....	3
6:13.....	39
6:23.....	7
7:5.....	3
7:7.....	3
7:12.....	9
7:13.....	3
7:18.....	3
8:1.....	40
8:2.....	4
8:3.....	9,10
8:4.....	11
8:38-39	5,6,39
12:1.....	39
12:19.....	21
13:9.....	25
16:17-18	20

1 MGA TAGA-CORINTO

2:16.....	31
3:1.....	6,7

3:1-3	6,39
3:12-15	17
11:28	38
11:31	38,39,40
12:13	4
15:22	3

2 MGA TAGA-CORINTO

5:17	4,6
5:21	5,38

MGA TAGA-GALACIA

3:26	42
5:16	3,11
5:18	11
5:19-21	3,6
6:1	40

MGA TAGA-EFESO

2:1	7
2:3	3
2:8-9	4,36
4:22	3,40
4:30	35
5:14	38,40
5:18	6,7,38

MGA TAGA-FILIPOS

3:13	16
3:13-14	26,39
3:18-19	44

MGA TAGA-COLOSAS

3:13	28
------------	----

1 MGA TAGA-TESALONICA

5:19	35
5:23	5

2 MGA TAGA-TESALONICA

3:11-12	23
---------------	----

1 TIMOTEO

4:1	15
-----------	----

2 TIMOTEO

2:11-13	42
---------------	----

MGA HEBREOHANON

4:1-3	16
6:1	3,35
12:1	3,39
12:5	41
12:6	8,40,41
12:9	39
12:13	40
12:15	19,28,30,39
13:12	5

SANTIAGO

3	24
3:2	24
3:3-5	25
3:5-6	20
3:14	18
3:16	18
4:6	27
5:9	43
5:19-20	40

1 PEDRO	2:2	38
2:5	2:28	42
2:9	4:10	38
2:9-10	5:16	44
2:24	5,36,38	

1 JUAN	PINADAYAG	
1:6	1:6	39
1:7	3:16	44
1:8	3:19	41
1:9	3:20	43
1:10	5:10	39
	21:4	42

**SUKARANAN NGA MGA LIBRO NI R. B. THIEME, JR.
GIREKOMENDAR NGA PAGKANHAN-AY**

The Plan of God
The Trinity
Slave Market of Sin
The Barrier
Rebound & Keep Moving!
Isolation of Sin
The Faith-Rest Life
God the Holy Spirit vs. The Sin Nature
Mental Attitude Dynamics
Heathenism
Divine Guidance
Prayer
Witnessing
The Prodigal Son

DOKTRINADONG PAGTOON SA BIBLIYA

Doktrina sa Bibliya, ang unud sa pagtudlo nga gikuha gikan sa literal nga interpretasyon sa mga Kasulatan, mao ang sukdanan para sa espirituhanong kamatuuran. Ang pagtoon sa Bibliya naghatag og espirituhanong pampabaskog sa mga Kristohanon (Mateo 4:4).


Ang pagkamahinungdanon sa doktrina sa Bibliya pagahatagan gayud og importansiya (Mga Salmo 138:2). Nagmando ang Dios sa mga Kristohanon sa pag-usab sa atong salabutan (Mga Taga-Roma 12:2). Kini nga pagkausab nanginahanglan og kada adlaw nga pagbag-o sa panghunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sa daghan nang katuigan ang doktrinahong mga pagtoon sa Bibliya ni R.B. Thieme, Jr., naghatag kada adlaw og espirituhanong pagkaon para sa iyang kongregasyon. Mga mantalaan, DVDs, ug MP3 CDs abilabol nga walay bayad o obligasyon. Ang *Katalogo sa Doktrinahong Pagtoon sa Bibliya* ipanghatag base sa inyong hangyo.

R.B. THIEME, JR., BIBLE MINISTRIES

P.O. Box 460829
HOUSTON, TEXAS 77056-8829
www.rbthieme.org
713-621-3740

Si ROBERT B. THIEME, JR., (1918-2009), nagpabiling makahuluganong tingog sa Kristiyanismo sa tibuuk kalibutan. Ang iyang makugihon, mapatin-awong pagtudlo gibase sa orihinal nga mga lengguwahe sa Kasulatan inubanan sa paglandag sa makasaysayong konteksto sa panahon nga gisulat ang Bibliya. Ang iyang modernong sistema sa bokabularyo, mga ilustrasyon, ug mga kategoriya Biblikal sa tin-aw nagpahayag sa dili-masayup nga mga kamatuuran sa Pulong sa Dios. Si Thieme nakarekord og kapin pa sa napulog-usa ka libo ka mga oras nga mga pagtudlo ug nakamantala og kapin pa sa usa ka gatos ka mga libro nga naglukup og dako sa bersikulo-matag-bersikulo sa Bibliya.



Hulagway ni Robert Becker

Si Thieme nakatapos didto sa University of Arizona (Phi Beta Kappa) ug Dallas Theological Seminary (summa cum laude). Ang iyang pagtungha sa seminaryo nahunong tungod sa pagpangalagad militar sa Ikaduhang Gubat sa Kalibutan diin misaka siya sa ranggo nga tenyente koronel sa Kwerpo sa Kasundalohan sa Kahanginan sa Estados Unidos. Human natapos sa iyang padayon nga pagtungha niadtong 1950, siya nahimong pastor-magtutudlo sa Simbahan sa Berachah sa Houston, Texas. Ang malukpanong bansaybansay sa Griyego, Hebreo, teyolohiya, kasaysayan, ug textual criticism naghatag og pundasyon sa iyang masuknaong propesyonal nga kinabuhi sa pagtoon ug pagtudlo sa Pulong sa Dios. Si Thieme miluwat sa pagkapastor-magtutudlo sa Simbahan sa Berachah human sa singkwentay tres ka mga tuig nga matinud-anong pagpangalagad.

PAGHIKLING

SA SALA

nagputol sa mabangis nga mga panghitabong nagliyok sa karnalidad og nagposas sa daghang mga magtotoo ngadto sa ilang nangaging mga kapakyasan. Ang grasya sa Dios nga solusyon para sa sala sa magtotoo mao ang rebound, sa pribadong paagi sa pagsugid o paghingalan sa imong mga sala ngadto sa Dios nga Amahan. Rebound diha dayon

maoy nagtuman sa pagpasaylo nga gikan sa Dios, pagbakwi sa Balaang Espiritu, ug paghibalik sa fellowship uban sa Dios. Bisan pa daghang mga magtotoo dali ra kaayo mogawas sa fellowship, nadakpan sa reaksiyon, kagilti, ug sa usa ka kadena sa panghunahuna, pamaba, o dayag nga mga sala. Samtang ang ilang pagkapakyas nagsaka, ang karnalidad murag dili-kapugngan.

Unsaon man nimo pagputol niini nga mga panghitabong nagliyok? Ilikay ang imong kaugalingon gikan sa gipasaylo na nga sala! Kon ang Dios nagpasaylo sa usa ka sala, kini dili na ikaw ang nanag-iya. Ayaw bawia pagbalik ang pas-anon! Ang Dios nagpapas sa imong sala! Pagbati nga gilti, naandan na sa paglingi sa likod, pagkabalaka, o makatakod nga kinaugalingong-pagbadlong makapalungtad lamang sa imong kahimtang diha sa karnalidad. Kon imong ihikling ang imong mga sala pinaagi sa “paghikalimot niadtong mga butang nga nangagi na,” ikaw maka “padayon” paingon sa taas nga lugar sa espirituhanong pagkahamtong diha sa imong Kristohanong kinabuhi.